





Digitized by the Internet Archive
in 2018 with funding from
Getty Research Institute

JOANNIS SCHEFFERI

ARGENTORATENSIS

De

ANTIQUORUM
TORQVIBVS.

SYNTAGMA.



HOLMIÆ SVECORVM,

Ex Officinâ JOHANNIS JANSSONII,
Regii Typographi.

ANNO MDCLXVI.

VIRO AMPLISSIMO
JO. FREDERICO GRONOVIO
VT. VARIORVM. MVLTIPPLICIVMQ.
CONSVMMATA. ERVDITIONIS. OPERVM.

QVIBVS.

PRÆTER. INGENII. FELICITATEM. SVMMAM.
IVDICIIQVE. POLITISSIMAM. RECTITVDINEM.
ETIAM. LABORVM. PATIENTIAM. INCREDIBLEM.

CVM. VTILITATE. INFINITA.

MAXIMORVM. MINIMORVMQ.

ORBI. PRIDEM. FECIT. NOTAM.
NOMEN. POSTERITATI.

QVAMDIV. HONOR. ERIT. LITTERIS.
COMMENDAVIT.

ITA. HVMANITATE. CANDOREQVE.

PERPETVIS. SOLIDÆ. DOCTRINÆ. COMITIBVS.

AC. ICCIRCO.

VIRTVTIBVS. NOSTRO. SÆCVLO. RA-
RISSIMIS. CLARISSIMO.

PAUCAS. HASCE.

DE. TORQVIBVS. VETERVM.

PAGELLAS.

IOANNES SCHEFFERVS

IN. PIGNVS. ET. MONVMENTVM.

OBSERVANTIÆ. PERPETVÆ.

DO. DICO. CONSECRQ.

Nomina Autorum, qui citantur in hoc opusculo.

- A** Chilles Tattius. pag. 33.
 Achmet. 31.
 Alianus. 3, 22, 46, 55, 61, exp. 21.
 Agatharchides. 20, 55.
 Agathias. 55.
 Ambrosius. 40, 46, 48, 50.
 Ammianus. 35, 37, 47.
 Appianus. 52.
 Apulejus. 6, 9.
 Aquila. 10.
 Argolus, notat. 16.
 Arias Montanus. 22.
 Arrianus. 62.
 Asconius. 23, 25.
 Athenæus. 8, 14.
 Augustinus. 60.
 Autor lib. Esther. 45. Martyrii
 Agnetis, 46. Mirab. Auscult. 61.
B Euterus. 34.
 Bochartus. 7.
 Boetius. 49.
 Boissardus. 14.
 Bosius. 47.
 Brissonius. 34, 55.
 Bry 18.
 Budæus. 8.
C Alepinus notat. 3.
 Calvinus. 42.
 Canticum Canticorum. 19, 33.
 Capitolinus. 13, 43, 44.
 Casalius. 22.
 Casaubonus. 13, 14, 43.
 Castalio. 10.
 Cato. 2, 7.
 Charisius. 4.
 Cicero. 11.
 Claudianus. 33, 48, 59.
 Corippus. 36.
 Cornelius Nepos. 34.
 Cortesius. 20.
 Curopalates, seu Codinus. 15, 34,
 35, 36, 37, 38.
 Curtius. 10, 39.
 Cyprianus. 46.
D Aniel. 34, 38.
 Dio Cassius. 36.
 Diodorus Sic. 17, 21, 36, 40, 57.
 Dionysius Halic. 12. expl. 43.
 Donatus. 49.
E Piphanius. 8, 21.
 Ernstius. 39.
 Esaias. 27.
 Etimologicum Mag. emend. 52.
 Eustathius. 16.
 Ezechiel. 33.
F Estus notat. 4. emen. 24.
 Fevardentius. 27.
 Florus. 12, 50, 52, 57, 58.
G Aleottus. not. 5.
 Gellius. 30, 59.
 Glossa. 1, 7, 8, 17, 27, 60, exp. 18.
 Goltzius. 11.
 Gorlaeus. exp. 56.
 Gregorius. 8.
 Grotius. 61.
 Gruterus. 17.
H Arpocraton. 6.
 Heliodorus. 26.
 Herodianus. 13, 18, 35, 52, 58.
 Herodotus. 39, 40.
 Helychius. 8, 9, 14, 16, 19, 27, 52.
 Hieronymus. 27.
 Hirtius. 30, 31, 41.
 Homerus. 3, 8, 15, 19.
 Horatius. 47, 51. (50)
I nscriptiones vet. 19, 28, 31, 40.
 Interpres vet. Bibl. 34, 47, 19.
 Isephi. notat. 33.
 Iornandes. 35.
 Iosephus. 12, 33, 39.
 Iudorus. 1, 7, 14, 17, 18, 23, 50. ex-
 pon. 18. emend. 4, 6, 18. notat.
 4, 46.
 Iustinus. 50.
 Iuvenalis. 25. exp. 47.
K imchi. 11.
L Ambinus not. 3, 27.
 Lazius. 36.
 Leges Rom. 46. exp. 47, 48, An-
 glor. 46.
 (4) 2 Livius.

- Livius. 28, 29, 30, 45, 47, 50, 58.
 Lipsius. 45. not. 15, 29, 51.
 Lucanus. 15.
 Lucianus. 45.
 Lucilius. 13.
M Acrobis. 23. exp. 24.
 Manilius. 49.
 Marcellinus Comes. 35.
 Mennenius. 42, notat. 20.
 Mercurialis. 74.
 Minutius Felix. 14.
 Mosellanus. 51.
 Moses. 9, 11, 39.
 Munsterus. 7.
Nævius. 13, 35.
 Nonius. 3. & passim.
 Notæ Tyronis. 2.
Olaus Magni. 36.
 Onomasticon Argent. 19.
 Ovidius. 4, 12, 33, 47, 61.
Pacatus emend. 17.
 Pacius. 37.
 Pacuvius. exp. 1.
 Pancirollus. 19, 37.
 Paulus VVarnefridi. 37.
 Perottus. 49.
 Phavorinus. 7, 9.
 Philostratus. 59, 60.
 Pierius. 6, 25. not. 22, 41.
 Pignorius. 10, 22, 26, 61.
 Plautus. 26, 27, 33. exp. 3.
 Plinius. 2, 3, 6, 13, 29, 47, 49, 61.
 expon. 43, 51, 57. emend. 54.
 Plutarchus. 2, 14, 22, 25, 39, 53.
 59, expon. 23.
 Pollio. 22, 32, 41, 44.
 Pollux. 3, 7, 8, 58.
 Polybius. 7, 12, 50, 52, 53, 58.
 Popma. 3.
 Procopius. 31.
 Propertius. 6, 17, 23, 36, 58.
 Prudentius. 37, 38.
 Quintilianus. 12, 29, 32, 45.
- R**ationarium imperii. 15.
 19.
 Ravius. 9, 10.
 Rucus. 21.
Salmasius. 13.
 Salomon. 38.
 Saxo. 20, 36, 45, 56.
 Scaliger. not. 2, 3, 24.
 Schadaus. 42.
 Scholia Iuvenalis. 5, 19. not. 23.
 Theocriti. 8.
 Seneca. 32.
 Seneca poeta. 33, 47, 48.
 Septuaginta Int. 21, 27, 34. notat.
 9, 10, 35.
 Servius. 4, 17. exp. 1.
 Sidonius. 16, 35, 44.
 Silius Ital. 12, 43, 51. exp. 20.
 Solinus. 13.
 Statius. 59.
 Stella. 13, 57.
 Strabo. 13, 39, 57, 58.
 Suetonius. 13, 26, 31, 40, 53, 54.
 expon. 43.
 Suidas. 7, 21, 57. emend. 51.
Tacitus. 13, 32, 40, 45, 53, 57.
 Terentius. 26.
 Tertullianus. 4, 27, 31, 36, 48.
 49, 55. exp. 47.
 Thucydides. 3.
 Torrentius. 56.
Valerius Max. 30, 53.
 Varro. 12, 50. exp. & emen. 3.
 Vegetius. 41, 54.
 Virgilius. 1, 15, 16, 17, 47, 51.
 57, 59, 61. expon. 14.
 Vopiscus. 30, 32, 41. exp. 53.
 Vossius. 61.
 Vuilramus. 19.
 Vulcanius. 60, not. 18, 28, 62.
Xenophon. 7, 12, 31, 60.
 Xilander. not. 47.

F I N I S.

IOAN

JOANNIS SCHEFFERI

ARGENTORATENSIS

De

ANTIQUORUM
TORQVIBVS

SYNTAGMA.



ORQUES sive torquis absque differen-
tia promiscueque reperitur apud veteres.
Vocabulum Latinum est, à torquendo di-
ctum, ut Grammatici ostendunt. Isido-
rus lib. x i x. cap. 31. *Dictæ torques, quod
sint tortæ.* Scilicet tortorum funium imagi-
nem referebant, ut post indicabitur. Vn-
de funes ipsi aliquando dicti sunt *tormenta*.

Idem auctor : *Tormenta à tortu dicta, sunt restes funesque.* Dedu-
cit à supino tortu ; recte, ut opinor. Namque ut à jutu est ju-
mentum, ab indutu indumentum, ita plane à tortu est tormen-
tum. Alias origine viciniori, & ad nostram vocem propiori
sono appellarunt *tortos*. Pacuvius apud Nonium hac voce : *Te
in tenetrica saepe lacerato fame clausum, & fatigans artus torto distra-
bam.* Verba esse videntur alicujus, plagas alteri cum restibus
minitantis, quod genus apud veteres inter supplicia fuit servi-
lia, & privatim usitata in militiâ navali, sicut demonstravimus
in libris de eo argumento nuper editis. Quanquam non repu-
gnem, si quis plane de tormentis velit intellectum, quibus son-
tes puniuntur, sicque expositionem Nonii præferat, cum & tor-
menti vox à funibus dicatur. Certe ut non funes restesque ap-
pellarint tortos, saltem torques sic appellavere. Glossæ veteres,
quæ Cyrillo inscribuntur : *Torquis, torques, tortus.* Item alio lo-
co : *Tortile, circulus, tortus.* Observa ex hoc loco, etiam *tortile*,
ac *circulum* vocasse. Virgilius lib. v. *Æneid.*

Flexilis obtorti per collum it circulus auri.

Quamquam circulus & torques nonnihil fuerint diversa, uti alias docebo. Ejusdem cum torto originis est *torus*, pro fune torto è loris. Cato de Re Rustica ut locis aliis, sic cap. cxxxv. *Habeat funis lora in toros singulos novem.* Significat & lectum, quia olim ex herbis tortis fiebat. Servius initio AEn. 11. *torus ab herbis tortis dictus est.* Per herbas juncos intelligit, vel folia arundinum, è quibus hodieque toros suos passim nautæ faciunt, funium instar primum tortis, mox in latitudinem idoneam confertis. Aliquando & stramentum adhibebant. Plinius lib. viii. cap. 48. *Antiquis torus è stramento erat, qualiter etiam nunc in castris.* Stramentum illud non reponebatur in sponda cumulativè, ut fit hodie, nec inferebatur sacco è centonibus, sed eo, quo prædixi, modo tortum aptabatur in usum lectorum, referebatque prorsus ejus rei effigiem, quam & veteres olim, & nos hodie *matram* appellamus. Ut sint imperiti plane, qui stuppa, scæno, aut lana rudiore insertum quid exponunt. Ex tortis enim juncis, aut scirpo, aut arundinum foliis fiebat, sicque deponebatur in terram, quod conveniens erat duræ antiquorum vitæ, atque ideo & postea longo tempore in castris, ut Plinius innuit, servatum est. Erratque vehementer magnus Scaliger in notis ad Varronem, quando *toros* scribit vocatos, *quod toris, id est funibus lecti tenderentur.* Id enim adeo insolens & inusitatum fuit apud veteres, ut ingenti probro Alcibiadi verteretur, quemadmodum Plutarchus testis est. Nec lectorum nomen aliunde, quam ex stramento, herbis, frondibus in hos usus lectis; post quæ longo tempore transitum ad culcitas, id est fartos aut inculcatos tomento centones, & reticula ex funibus, in quibus suspenderentur, ut vel ipse, quem prædixi, Varro docet. Torus ergo apud veteres est lectus, quoniam ex herba torta; imo & capilli crinesve torti apud eos tori esse videntur. Apud Virgilium profecto leones gaudent *comantes toros cervice excutere*, quod ut de circulis eminentioribus in cervice, sic & de jubis in ea tortis intelligi posse nec repugnat quidquam, & vocabulum *excutere* quodammodo ostendit. Deinde & in Notis à Grutero sub Cyrilli nomine ac Tullii Tyronis editis reperio continue excipientes sese istas voces: *Seta, setosum, setigerum, hispidum, torum.* Vnde veteres torum pro comato, crinibusque tortis aspe-

rato

rato usurpasse haud fortassis absque ratione conjecto. Nisi quis hic putet torum idem esse, & quod vulgo toruum scribimus. Quanquam & hoc ipsum id, quod dicimus, significasse proprie, vel inde credi potest. Torulus profecto, quod à toro nascitur, significavit. Colligimus ex Plauto, qui sic in Amphitruone, statim ab initio.

Meo patri autem torulus inerat aureus.

Sub petaso. Torulum hic varie exponunt. Calepinus parvum lectum, prodigiose admodum. Quomodo enim lectus sub petaso? igitur quia vidit non procedere, ad nescio quem interpretem ac criticum confugit, qui pro voce ista *trochulum* substituit. Lambinus melius aliquanto, istis verbis: *Torulum videtur mihi Plantus pro parvula torque toruli ejus, qui est in arboribus, speciem præbente, posuisse, aut pro funiculo aliquo retorto, aut pro parvo nodo.* Funiculum etiam Scaliger exponit, nempe quia torus, ut prædixi, funis. Sed quis funiculus sub petaso? quo exemplo? in quem usum? Nec torquem magis probo. Nam torulus non à torque, sed à toro: & torques non sub petaso, sed in collo. Quare torulus nil potest esse, quam *δραβεβασπῶρδον π*, ut ex Archilocho Pollux nominat, hoc est cinnus parvulus intortus, qui vel referebat colore, vel implexum habebat aurum ritu veteri. Ita namque Græci consueverunt, Attici cumprimis, ut ad Aelianum pridem demonstravimus. Convenit, quod fabula Amphitruonis à Plauto versa est ex Græco. Nec male signum hoc ab autore ejus Iovi tributum, cum cinnis illis vetustissimi Græcorum uterentur, ac nobilissimi: atque adeo & nobilitatem Iovis indicare posset, & vetustatem. Expresse enim *τὰς περισβυτέρας τῶν δὲ δαιμόνων* apud Græcos Atticosque hoc observasse Thucydides ait, & confirmat ex Homero Plinius lib. xxxi i i. cap. i. quando apud Homerum virorum crinibus aurum implexum scribit. Torulus ergo Plauti, cinnus tortus, à toro, quod idem significare videtur. Varronem *intortum* appellasse puto. Ita namque in Satyris, ut refert Nonius, voce *Rictum*.

Ante aures modo ex subolibus, parvoli

Intorti demittuntur, seu cincinnoli.

Sic hunc locum scribo, cum vulgo libri habeant *sed*, vel *sex*, ex quo Popma fecit *ceu*. Tò cincinnoli præcedentis *intorti* interpretatio est. Nempe cincinnus magis in usu, pro tortis crinibus,

quam tortus, aut intortus, cum hoc quicquid denique in orbem flexum esset, significaret, à toro, quod natura sua signat quid rotundum. Vnde apud Græcos quoque *τίγος* est, & *τορδός*, & *τόρπος*, ut apud Latinos *tornus*, *tornare*, *tormina*, *torcularia*, & id genus, quoniam in his omnibus circulatio est quædam, aut rotatio in gyrum. Sed ad propositum est veniendum, notandumque, quod ut toros pro torquibus, sic & *tores* aliqui apud veteres usurparint. Charisius lib. 1. *Tores Servilius, ut etiam Flavius Pomponianus notat, aureus tores, pro torques. Alias monile dicebatur hic ornatus.* Ovid. lib. v. Met. f. 1.

Indutus chlamydem Tyriam, quam lîmbus obibat

Aureus, ornabant aurata monilia collum.

Versus sunt de Aty juvene. Vnde patet nugatorium esse, quod habet Isidorus de differentia utriusque vocis, quasi torques proprie sit virorum, monile scæminarum. *Torques* ait, & *bulle* à *vis* geruntur, à *fæminis monilia* & *catelle*. Sane Festus etiam: *Monile dictum est ornatus mulieris, qualem habuisse Eryphilam fabulæ ferunt.* Sed pugnare pro Ovidio ipsa ejus nominis origo videtur, si modo ea est, quam Grammatici vulgo tradunt. Dictam enim à *monendo* volunt, ut quomodo à *caveo*, *cavile*, sic à *moneo* sit monile. Quod cujuscunque modi sit, melius profecto est, quam quod habet Isidorus, qui à *munere* deducit. Nam & Tertullianus *monile* pro monimento usurpavit in Apologetici cap. 16. *Omnes illi, ait, imaginum suggestus insignes, monilia crucium sunt.* hoc est, crucis figuram repræsentant, atque ita crucis nos admonent, sicut amplius hoc expono in opere meo de *Ræ Vehicularia*. Quod si ergo à *monendo* est, idque quoniam admoneat virtutis, ut Grammatici exponunt, quomodo ad scæminas pertinere possit? Quare nihil aliud monilia, quam torques. Nec diversum segmenta, quoniam monilia. Servius ad 1. AEn. *Monile, ornamentum gutturis, quod & segmentum dicunt: ut Juvenalis: segmenta & longos habitus. Licet segmentatas vestes dicamus, ut ipse. Et segmentatis dormisset parvula cunis.* Adscripsi integrum hunc locum, ut supplerem Isidorum, apud quem hæc verba mutila hodie leguntur, isto modo: *Nonnulli hoc & segmenta & longos habitus: licet & segmentatas vestes dicamus, ut ipsa, & segmentatis dormisset parvula cunis.* Scribe: *Nonnulli hoc & segmentum dicunt ut Juvenalis, segmenta e. l. b. l. e. f. v. d. ut ipse* (scilicet Juvenalis, non vero ipsa,

ipsa,

ipsa, quod est nihili) Repetitio vocabuli *segmentum* effecit, ut membrum incuriosus & festinans scriba omitteret. Interim *segmentum*, uti vides, Servio & Isidoro monile, idque teste Iuvenale, quem hic laudant. At vero Iuvenali non est monile, si Scholiastem ejus audimus, sed vestis in collo fimbriis ornata. Sic namque Sat. 11. *Segmenta fimbriarum, seu vittatas vestes.* & Sat. VI. *Segmenta vittæ pendentes de vestibus intextu auro.* Duplex genus segmentorum innuit, alterum dependens in vittis, alterum in fimbriis. Illud non existimo esse aliud, quam quod hodieque Hispanis est in usu, & apud nos in pueris retinetur. Tœniæ sunt tres quatuorve digitos latæ, pendentes ab utroque humero, quas Flügel, i. e. *alas* nostro idiomate appellant. Alterum genus quod velut extremum in veste ambibat collum, latum, in altitudinem circum circa erectum, ornatumque auro, cujusmodi adhuc majorum temporibus in crebro usu fuit, antequam ex veste linea collaria fierent, ut ex imaginibus & picturis cognoscimus. Nec hodie penitus desit, præsertim apud rusticos alicubi, qui in togis suis, aut indussis servarunt. Idque segmentum olim dictum videtur, non quia circulari forma, ut putabat Galeottus Lib. 1. de Homine, sed quia aureis quibusdam lineis distinctum, ac quasi intersectum erat. Galeottus ita ait: *Segmentum hac notione ornatiorem torquem significat, quia collum circummit.* Nam *segmentum* *circulus* est. Plinius VI. *Plura autem sunt hæc segmenta mundi.* Bis hic peccat, Galeottus: semel, quod *segmentum* putavit dictum quia collum circummit, iterum quia Plinii *segmentum* credidit signare circulum. Nam & alias id est, quod rescissum quasi est ab alio, & apud Plinium sic usurpatur, quia circulis quibusdam mundus sive cœlum in imaginarias dividitur & secatur quasi partes. Quare hæcenus *segmentum* proprie torques non est, nisi quatenus alterum ejus genus ambit collum, & similitudinem nonnullam habet cum circulo, ut post ostendam. Et sic nec monile torques erit, quoniam monile *segmentum*, ut superius monstravi. Usurpantur interim promiscue hæc voces una pro altera, quoniam nec tanta in rebus fuit differentia, & uni fini omnia destinabantur. A Græcis torques dictæ sunt *σπῆρτοι*, eadem originatione, qua apud Latinos torques. Nam ut hic à torquendo, ita illic à *σπέρπειν*, vertendo, flectendo nominantur. Est enim integre *σπῆρτος ὄγκος*, sicut

Latinis torques circulus, vel catena torques. Quod alterutrum cum subintellectum sit vocabulum à veteribus in nomine torques, factum ut genere aucipiti, modo masculino, modo foemino efferretur. Plane sicut apud Græcos, qui & ipsi *σπειρόν* interdum masculine, aliquando neutraliter, subintellecto vel ὀπείρου, vel ψείδιον, aut alio simili vocabulo usurpare solent. Per se enim & *σπειρόν* & torques nihil aliud significant, quam tortum quid, & flexum. Vnde & hæ ipsæ voces rebus aliis accommodantur. Sic apud Virgilium torques vinculum est, quo sociantur jumenta & copulantur ad jugum. II I. Geor.

— Ipsis è torquibus aptas

Iunge pares. Torques nil hic aliud, quam circuli ex viminibus funium instar contortis, quales ubique rustici inter instrumenta sua habent. Vnde ipse Virgilius *tenui de vimine circlos* nominavit in prioribus. Apud Plinium lib. x. cap. 42, & Apulejum Flor. II, torques in psittaco, est circulus coloris miniali in ejus collo. Sic incolumba usurpavit Propertius lib. I v.

Sed cape torquate, Venus ô Regina columbae,

Et lingem avem, quam alias motacillam vocant, *torquillam* dici à torque quo collum insignita est, ait Pierius lib. xxv I. cap. 49. Hieroglyph. Iam ut torques, ita & *σπειρός* varie usurpatur. Apud Athenienses placentæ genus designat. Harpocraton. Πλακῆν τῷ εἶδος ἐάν τι σπειρόν. Nempe quia funium varie flexorum instar fuit contortum. Latini *scriblitam* appellasse videntur nomine ex illa ipsa Græca voce formato. Ad quam Græcam Germani propius *Streubas*, sive *Straubas* nuncupant. Meminerunt Scriblitarum Martialis, Plautus, & cum primis Cato ex quo & conficiendi ratio veteribus usitata intelligitur. Nec fortasse aliud est genus, quod nonnunquam *tortam* vocant. nomen enim convenit. quid namque torta, nisi *σπειρός*? Isidorus tamen *crustulam* exponit, lib. x x. cap. 2. *Crustula*, inquit, *diminutivum est à crusta: panis oleo conspersus, in medio concavus & tortus, hæc & torta panis.* Verba mihi hæc suspecta sunt. Quid enim *torta panis*? cur non *tortus panis*? an quia pars quasi panis, quæ sic appellatur, quomodo & crusta pars est? Si hoc, cur de pane integro exponitur? Puto mutila esse verba, intercessisseque nonnulla post *diminutivum est à crusta.* Utique quæ de pane concavo & torto scribit, magis videntur quadrare in spiram; cum concavitatem illam

illam intelligere non possim , nisi quæ sit pane forma restis tracto , & composito in orbem , unaque parte leviter contorto , quod genus eleganter Sueci *Kringel* , tanquam flexum quid in orbem appellant. Hoc autem planes pira est, ubi docet M. Cato de R. R. cap. 77. Sane spira placentæ genus apud veteres , ut ex Catone discimus, cum torta genus sit panis, si fide dignus Isidorus. At τὸ panis apud Isidorum additum ex glossemate videtur, aut sic laxè accipiendum , quomodo Diogenes placentam appellasse *panem probe confectum* dicitur. Nisi potius illud panis additum dicendum , ut innueret esse tortam aliam , non panis , sed placentæ , quæ spira diceretur ; nec forma , sed conficiendi ratione differat à torta. Atque adeo torta dicta sit latine à torquendo , quæ à σπείρω imitatione Græca spiræ nomen habuit ; à σρεπτός vero venerit vox scriblitarum , quæ & ipsa à veteribus non eo modo sicut hodie figura orbiculari plena , sed ad instar circuli in medio cavi facta videntur. Cæterum ad torquem redeundum , quam & πειδέραον, Græci , & περιστροφίλιον dixere. Phavorinus: Πειδέραιον, περιτροφίλιον ἡσμεον, ἀπὸ τῆς δέρρης. Pollux : τὰ πρὸς τὴν περιστροφίλιν, καὶ πειδέραον. Collaria posses reddere. Alias & μανιάκης appellarunt. Glossæ : Torques , σρεπτοί, μανιάκης. Suidas : μανιάκης, ὁ περιαυχένιον ἡσμεον. In Glossis aliis non μανιάκης est, sed μανιάξ, quod nescio an alias invenias. Μανιάξ, tortile, circulus. Polybius Gallicam appellat vocem. Verba sunt Hist. 11. Καπιτάλιον ἐνόσησε τοῖς μανιάκεις. Ἔτο δ' ἐστὶ χρυσὸν ψέλλιον, ὁ φορεῖται περὶ τὰς χεῖρας καὶ τὸν τροχίλον. Non exposuisset, nisi barbaram putasset vocem. At diu ante usurpavit Xenophon , ut plane Græca videatur. Quanquam & hujus tempore à Gallis invaluisse potuit apud Græcos. Quicquid sit, sive Græcam statuamus, sive Gallicam, patet errari ab iis , qui à manu derivant, cum vox Latina Græcæ Gallicæve dare originem haud potuerit. Præterea nec tam manuum, quam colli ornamentum fuit, ut in sequentibus ostendetur. Bochartus lib. 1. cap. 42. P. II. Geographiæ Sacræ à Chaldæo מניכא *menica* putat ortum, quod pro torque usurpari scribit Danielis V. v.7. notavitque pridem in Lexico suo Munsterus. Sententiam illius sicut haud rejicimus, sic fortasse propius à Celtico (si, quod putat ille, Gallica vox est) *mannus* derivamus. Ut dictus sit μανιάξ, quia manis, hoc est viris, us-

que, qui se fortiter gessissent in bello, proprium gestamen fui.
 Sane apud Scholiastem Theocriti *μῆν* pro torque reperitu
 geminata littera, quod proxime ad Celtarum vocem *mann*, qui
 vir significatur, accedit. Verba sunt Idil. x i. *Μάνος δ' ἔστιν,*
πείτρα χίλιον ἥσμοι, τὸ ληγρόν μαννάκιον. Ex hoc *μῆν*
 apud eundem sunt *μαννόφοροι* qui torques ferunt. Quanquan
 &, si Phavorino auscultamus, licet *μῆν* colli quendam si
 gnificet ornatum, is non tam intelligendus sit de torque, quam
 segmento. Sic enim ipse de vocabulo *μαννάκιον*, quo Scholia
 stes ante dictus *μῆνον* exponit. *Μαννάκιον* (ita scribit pro *μαν*
νάκιον a *μανία*) τὸ ἔμαλλε πείσσειον. h. e. *maniacium ora est in*
veste. Non potest ora alia intelligi, nisi ea, quam segmentum
 supra diximus vocari. Pollux hujus ipsius mentionem facit lib.
 v. cap. 16. inter *τὰ πρὸ τοῦ χιλίου ἡσμήματα*, colli decora seu or
 namenta, & *μῆνον ἢ μόνον* unica littera appellat. A quo poste
 riore *μῆνω* Latinum *monile* ortum esse magis mihi persuadeo,
 quam a monendo, ut Grammatici Latini opinantur, contem
 duntque, dum ex suæ linguæ originibus derivare cuncta labo
 rant. Ut sic proprie conveniat *σρεπτός* & torques; alterius, nec
 tamen diverſi generis sit *πανιάκης*, *μῆν*, *μόν*, monile. se
 gmentum, circulus; utrumque significet *περιδέρμιον* ac *πείτρα*
χίλιον, cum utrumque pertinuerit ad collum. Ex quo & *διω*
πέδην dictam legimus apud Gregorium hoc sensu, Budæus cer
 te torquem reddit. Inter *πείτρα χίλια* porro etiam sunt *ὄρμισ*
κοι, & *ὄρμοι*. Hesychius: *ὄρμοι*, *λιμήν*, ἢ *πείτρα χίλιον ἥσμος*.
Ὀρμισκοί, *πείτρα χίλιοι ἥσμοι* *γυναικεῖοι*, ἢ *μανιάκης*, ἢ *πει*
δέραμα. Recte ait *ἥσμοι* *γυναικεῖοι*, ἢ *μανιάκης*, quia *μανιάκης*
 ad fœminas non pertinebant. *Ὀρμοι* vero ad utrumque, & ad
 fœminas & ad viros. Pollux lib. vi i. c. 24. inter fœminarum
 ornamenta refert, ubi doctè interpres *monilia* exponit. Glossæ.
ὄρμι τὸ *πειδέραμα*, monile. Sed & Homerus fœminarum mo
 nilia *ὄρμυς* nominat Iliad. Σ α & Od. ο. & Athenæus lib. vi.
 Helenæ *πείτρα χίλιον*, vocat *ὄρμον*. At vero viris, ipsisque etiam
 Regibus tribuit Epiphanius libellode duodecim gemmis capite
 de Saphiro: *διὸ ἐν τοῖς χιλιδοσι καὶ ὀρμισκοῖς καὶ τοῖς αἰσὶν ἔστιν, μῆ*
νίστα οἱ βασιλεῖς. propterea & in armillis torquibusque reponunt, *ma*
νιῆς Reges.

§. 2. De Authore torquium.

Avtorem torquium nemo facile, opinor, indicaverit. Quis-
 quis fuit, non recentibus eum sæculis, sed vetustissimis vi-
 xisse necesse est. Nec enim apud nuperos, sed plane antiquissi-
 mos historicos, ipsumque etiam Moſen mentionem eorum re-
 perimus. Ita namque is, Genef. xli. §. 4. de Pharaone Rege Æ-
 gypti: *tulitque annulum de manu sua, & dedit eum in manu ejus, ve-*
ſtivitque eum stola byſſina, & collo torquem aureum circumpoſuit. De
 Iosepho loquitur, Ægyptiorum Hermete, ut non pauci volunt,
 qui proinde vixerit iis temporibus, quibus apud Græcos vetu-
 stiſſimi Deorum. Huic Pharaonem regem torquem dedisse ait.
 Græca verſio eandem rem exponens ita habet: *κὲ περιέθηπε κλοι-*
ὸν χρυσὸν περὶ τὴν τετραχίλον αὐτοῦ. Vbi κλοιὸν uſurpaſſe autor
 ejus videtur pro eo, quod alias est *μανιάκης*. Hefychius: *Κλοι-*
ὸς, περιτετραχίλιος δαυμός, κολάειον, ἢ τριμανιάκης. Est autem
μανιάκης non torques proprie, sed ſegmentum circuliſve, ut
 præmonui, quare idem & de κλοιῷ judicandum videtur. Κλο-
 ὸς ſane a κλάειν, includendo, quia claudit, cui circumponitur.
 Quare & pro millis canum, aut bovis uſurpatur. Phavorinus.
Κλοιὸς, ὁ δαυμός, ὁ περιθέμενος τῇ τετραχίλῳ τῶν κτηνῶν καὶ ὁ ζυ-
γὸς καὶ ὁ σὺν τριῶν, ὁ περιθέμενος τῇ τετραχίλῳ. Nec aliter κολ-
 λάειον apud Hefychium intelligendum eſt. Conveniunt porro
 hæc omnia magis cum circulis, quam torquibus. Quia hæ ro-
 tundæ & ex filis, iſti lati & ex una lamina, plane ſicut bojæ, aut
 milli, aut alia ex ferro vincula, quæ collis circumdantur. Vt ſi
 Græcos ſequi volumus, non tam torques fuerit, quod a Pharao-
 ne donatum eſt Iosepho, quam annulus in collo circuliſve. At
 vereor, ut hac in parte textum Hebræum rite expoſuerint, ſive
 Græci, ſive Latini interpretes. Nam in eo *רֶבִּית* *rebit* eſt, quod
 proprie quid cohibens ſignificat, quomodo ſtragula coercent
 lectos. Igitur Cl. collega meus Chriſtianus Ravinus de veſte ex-
 plicat, quæ injicitur interiori, & hodieque auro argentoſve in-
 texta datur legatis in oriente, quando admittuntur in conſpe-
 ctum Regum. Cui hac in re conſentio, nec vel circulum, vel
 torquem dedisse Iosepho Pharaonem Ægypti Regem, qualem
 vulgo nos ſic appellamus, puto. Palla fuit longior, ex pretio-
 ſiori veſte circa collum auro argentoſque decorata, quæ cum &

collum clauderet, & humeros ambiret, præterea varii esset coloris, ob intextum aurum argentumve, hinc *rebit* vocata est. Interea quis, nec inepte forsân, putet, id vestimenti genus circulis & torquibus dedisse ortum. Nempe ut nostri majores primum oram indusii paulo longiorem crispabant, mox promittebant longius circa collum in thorace, postmodo divisim gestare cœperunt (credo, ut sæpe mutari, mundidioraq; sordidioribus substitui commodè possent) vocaruntque *collare*: ita plane antiquissimis temporibus primo pallas istas, ut expresse Curtius appellat Lib. 111. cap. 3. inter vestimenta Darii, distinguebant auro, mox separatim circulos collo circumdabant aureos. Quod eo mihi videtur probabilius, quia circulos hujusmodi reperio in imaginibus Isidis & Osyriridis, quas mensa Pignorii exhibet. Illud enim, quod earum ambit colla, bene latum, & in quibusdam ad humeros pertinens, variis intersectum lineis, distinctum bullis, ductibusque pluribus serpentum specie ornatum, nihil aliud, quam quod dixi, repræsentat. Præfertque plane imaginem collarium, quæ ab illo ipso *rebit* apud Gallos *rabatt* vocata esse, idem Ravius ex nescio quo vetustiori autore non improbabili- ter conjectat. Ut sit, hoc palam est, pro torque cœteros interpretes fere omnes accepisse, quod Iosepho inter alia munera donatum est à Pharaone. Neque ibi tantum torquium mentionem faciunt, sed & ante, in historia Thamaris, maxime Græci. Nam cum eo loco Latina vulgata habeat *armillam*, Septuaginta reddunt ὀφεισκαρον, Aquila σπειντόν. Quamquam per σπειντόν hunc ipsum non torquem proprie, sed diversum quid, qualecunque denique, quod intortum est, indigitasse quis hic dixerit. In Hebræo certe חיל Hil est, quod nil, nisi id, quod Græcis est σπειντόν per se significat. Igitur & ambigua illius est interpretatio, aliis de intorto quodam ornamento in collo, aliis de auro intorto in brachiis, aliis denique de vestimenti contorti quodam genere hic cogitantibus. Ravius, cujus hic judiciū libenter sequor, de re nulla veritus, quam fascia quadā, qua velligabant caput, vel succingebant vestes intelligi arbitratur. Et faciunt alterū Suecus, alterum Germanus interpretes. Hic enim *gyrtel* hoc est Zonam, ille *bosfudbonat*, hoc est capitis velamen reddit. Castilioni quoque *vitta* placuit hoc loco. & credibilius de ea, quam de Zona cingulo, maxime in eo, qui faciebat iter. Vitta tamen siue fascia non alia

alia intelligenda est prædicti Ravii judicio , quam quæ Chal-
 dæis Perlisque fuit propria , & adhuc ab ipsis, *dulband* nomine
 usurpatur , decem pluresve ulnas longa. Iuvat , quod jam olim
 ea fascia funis instar fuit torta , ut in cidaris imagine apud Golt-
 zium in Augusto , & diademate Regum Numidarum , quorum
 hodieque conspiciuntur Romæ imagines , seu statux, obser-
 vamus. Nunc quoque varie in oriente torquetur , præcipue à
 Turcis , uti notum est. Hujusmodi ergo contortam in orbem
 fasciam arrhabonis loco petierat à Iuda , acceperatque Thamar,
 non torquem aureum , cum in Sacro codice auri nulla hic repe-
 riatur mentio. Adeo ne ex illo quidem loco torquium antiqui-
 tas asseri posse videtur. Nec cessat ideo res antiquissima esse , ut
 apparet primum ex prædicta Pignorii pictura , quæ desumpta est
 à vetustissima quadam tabula , reposita olim in templo Isidis.
 Deinde ex vetustissimo auctore librorum Sactorum , qui vitas
 Iudicum apud Hebræos continent. Illic enim expresse mentio
 fit torquis, quæ Hebræis vicinisque populis *pay anaq* est, in collis
 Regum Madian & camelorum. Vixerunt illi tempore Gedeo-
 nis , id est annis Mille circiter , ducentis & quinquaginta ante
 Christum , unde de antiquitate ornamenti hujus judicari pot-
 est. Cum præsertim ibi quoque sic commemoretur , velut res
 bene nota tunc & usitata , quod sine observatione omittendum
 non est. Mihi sane nullum dubium , quin diu ante illa tempora
 gestaverint , saltem Reges. Iuvat , quod armillarum mentionem
 fieri videam tanto ante tempore , vix autem verisimile brachia
 tam diligenter exornasse , collum reliquisse nudum. Accedit
 gentium fere omnium mirabilis consensus in hoc ornamentum ,
 qui vix esse solet , imo esse vix potest , nisi in rebus antiquissi-
 mis , & à primis hominibus inventis. Denique & in Moyse ad
 torques alluditur , quando legitur Deuter. xv. §. 14. *וְהָיָה כֶּסֶף הַתּוֹרֵשׁ*
payn haaneq haaniq lo. Hinc Rabbi David Kimchi in expositione
 hujus loci , *pones super collum ejus tanquam aneq*. Ego imitatione
 veri textus , sic latine reddi posse autumo : *ornabis eum ornamento*
munerum de pecude tuo. quomodo Cicero l. vi i. ep. ad Cæsarem
 verbum ornare usurpat. *neq; impedio, quominus etiam hisce eum ornes*
gloriæ insignibus. Nimirum Sanctus Autor non ad liberalitatem
 tantum respexit , sed & honorem quendam eo loco , manumif-
 sumque voluit à se dimitti non modo cum subsidio nonnullo

vitaë, sed & honore, in testimonium quasi bene administrati muneris, diligentia præstita ac fidei, & ex eo amicitia quomodo Ægypti Israelitis vasa aurea argenteaque & utensilia ideo commodasse leguntur, ad quos alludit. Et quoniam ad honorem quendam respexit, patet fane antiquissimis, etiam Moysis temporibus illud anaq̃ inter insignia honorum fuisse relatum, adeoque nota tum qualiacunque denique colli ornamenta extitisse.

§. 3. Materia Torquium.

Torquium non una apud veteres materia. vulgo tamen fuerunt ex auro. Varro apud Nonium in *torques*. Insignibus *Martis torques aureæ*. item : *torques aureæ multæ relatæ Romam*. Florus lib. 1. cap. 13. *Aureum torquem barbaro inter spolia detraxit*. Quintilianus lib. v. 1. cap. 3. *cum ei Galli torquem aureum centum pondo dedissent*. Nec aliud voluit Silius Lib. xv. isto versu :

Hic torque aurato circumdat bellica colla.

Auratum quidem alias, quod est auro tectum. Vnde prædictus Quintilianus lib. viii. cap. 6. *cum dico aurata testæ aurea, pusillum à vero discedo*. Sed eo ipso loco per hypallagen figuram sic ostendit usurpari posse. Quomodo & Ovidius lib. v. *Metam.* Fab. 1.

— *ornabant aurata monilia collum.*

Aurata enim hic sunt tota aurea, plane sicut torques fuere. Dionys. Halicar. lib. x. de Siccio : *Reportavi præterea torques aureos LXXXIII.* Xenophon. lib. 1. *Κύρος δ' ἐκείνῳ δῶκε, ἵππων χευστοχάλινον καὶ σπεπτόν χρυσεόν.* dedit ei Cyrus dona frenum aureum & auream torquem. Sicut hic *σπεπτόν χρυσεόν*, ita *μαυρίκη χρυσήν* legimus apud Polybium in verbis, quæ superius adducta sunt. Iosephus lib. x. 1. cap. 4. vocat *περιωχέριον χρυσήν*, ubi Darius pollicetur sapientiori ex custodibus corporis & *νίδαον βυσίντιν καὶ περιωχέριον χρυσήν*, & *cidarim rectam* & aureum colli ornamentum. Sic Tertullianus aureum cervicis ornamentum pro torque, Virgilius *Æn.* lib. viii.

— *tum lactea colla*

auro innectuntur.

& lib. x. *Qualis gemma micat*

— *fulvum*

— fulvum quæ dividit aurum

Aut collo decus, aut capiti —

Iam quoniam ex auro fuere, hinc fulgent. Lucilius lib. x i l. a-
 pud Nonium: *Conventus pulcher, braccæ, saga, fulgere torques.* Ta-
 cito splendent Hist. i i. cap. 89. *militum phaleræ torquesque splen-*
debant. Habuerunt tamen etiam ex argento. Testis Plinius lib.
 xxx i i l. c. 2, cujus verba alio loco adducam. Capitolinus in Ma-
 ximinis: *Severus militares dabat ludos, propositis præmiis argenteis,*
id est armillis, torquibus, & balteolis. Forſan huc respexit Sucto-
 nius, quando ait de Augusto, cap. x x v. *Facilius phaleras ac tor-*
ques, quicquid auro argentoque constaret, dabat. Colligitur hinc ſane,
 ſicut alia, ſic illas ipſas phaleras torquesque conſtitiffe auro
 & argento. Torques gemmeas memorat Nævius apud Charifi-
 um, qui tamen verſum ejus adducit ex Capro.

Collum marmoreum torquis gemmata coronat.

Legebatur verſus hic in Iliadis ejus lib. i. Ex ferro narrat Strabo
 lib. i i i. in mulieribus Hispanis; autore Artemidoro: *περιτορ-*
χῆλια, inquit, *σιδήρεῃ φορεῖν αὐτὰς φησὶν*, ajunt eas torques ferreas
 geſtare in collo. Meminit & Herodianus in Britannis lib. i i i.
 cap. i 4. *ταῖς μὲν λαπίραις & ταῖς τορχίλαις κοσμήσας, σιδήρεαι*, venirent
 atque cervicem ferro exornant. Erasmus Stella lib. i. Ant. Boruff. in
 Auſtraſiis, quos gentem eſſe Gothicam, ſuaque lingua Sudinos,
 id eſt (ut opinor) Suedinos ſive Suedos appellari ait, *æreas* ſeu cu-
 preas, vel ex aurichalco factas narrat. *Circulos*, ait, *ex ære vel orichalco*
colla circumdabant. Legimus & eburneas torques apud Strabonem
 l. iv, inter ornamenta Britannorum: *ταῦτα δ' εἰν ἐλοφάτηναι ψά-*
λια καὶ περιαυχένια. Sunt autem eburnea frena & torques. Caſau-
 bonus ad hunc locum conjectat ex Solino, non eburnea, ſed
 eburneis ſimilia fuiſſe, *ex dentibus marinantium beluarum.* Quem
 reſutat Salmaſius in Exerc. Plin. eaſque ait ſignificari, non quas
 ſibi facerent ipſi Britanni, ſed ab aliis vicinis acciperent. Mihi
 utrumque verum eſſe poſſe videtur. Certe ſi eburneas amarunt,
 & emerunt a peregrinis; ſi ex piſcium oſſibus ad eburneam clari-
 tatem capulos & alia, ut Solinus loquitur, formare potuerunt,
 quid prohibet credere, torques etiam ex illis oſſibus eburneis ſi-
 miles factitaſſe? Superioribus proſecto temporibus Indiæ quaſ-
 dam gentes habuiſſe certum eſt. Quanquam in Indis hoc minus
 mirum, quo magis iſtiusmodi ornatui ſtuduerunt. Obſervamus

enim ex vilissimis quoque rebus, stramine, foliis arborum, ligno quodam atrii coloris, (Hebenum indigitari puto) penis avium, cum primis psittacorum, cochleis ac testudinibus, pellibus ferarum, funium instar tortis, ut de ferro, ære cuprove, quorum supra mentionem fecimus, nil dicam, ad postremum ne collo decus suum deesset, ex ipsis etiam hominum captivorum ossibus quid instar torquium gestasse. Ex herbis alias & floribus etiam Græci usurparunt. Alcæus apud Athenæum lib. xv. cap. 5: *Ἀλλ' ἀνήτω μὲν περὶ τὰς δέρας παρθένω ὑποθυμιάδεις* Is. Ita Casaubonus scribit. Sensus est: *At cervici Aneti plicatiles hypothymiadas quis apponat.* Hypothymiades hic circuli ex myrti ramis, vel aliis arborum foliis decore inter se confertis. Cujusmodi in statua Priapi nobis exhibet Boissardus, visiturque adhuc ad portam Flaminiam in vinea è regione hortorum Iulianorum, si ei credimus. Hesychius: *ὑποθύμιον, στέφανον περιτέχον*. Athenæus ipse: *ὑποθύμις ἢ ὑποθυμιάδες στέφανοι παρ' Αἰολῶσι ἢ τῶπιν, ἔς περὶ τὰς τερχήλους περιέθεντο*. Florum in his contortis arborum ramis meminit Sappho: *ἢ πολλαὶ δ' ὑποθυμιάδες πλεκταὶ, ἢ αὐτὰ περιδέρα*. *multæ coronæ in collo, multæ torques ex floribus.* Sic Minutius Felix in Octavio: *Quis autem ille, qui dubitat vernis indulgere nos floribus, cum capiamus & rosam veris, & lilium, & quicquid aliud in floribus blandi coloris & odoris est: his enim & sparsis utimur, mollibus ac solutis, & fertis colla complectimur.* Vides ex floribus variis confertas habuisse coronas, quas gestabant in collo, ac proinde Plutarchus in Symp. 111. *περιδέρας στέφανους* appellat. Nec se tantum sic ornabant, sed & Deos suos, uti patet ex Priapo, cujus supra feci mentionem, & Deorum aras. Non enim alias intelligo torques in eis, quas Virgilius laudat lib. iv. Geor.

Sæpe Deum nexis ornate torquibus aræ.

Folia arborum admixtis floribus conferebant, eisque fertis cingebant aras, uti hodieque ostendunt monumenta prisca & nummi: in quibus nulla fere ara cernitur, sine tali, ut Virgilius appellat, torque.

§. 4. Torquium formæ, variæque species.

Antiquissima torquium figura, ut vel nomen indicat, torta fuit. Isidorus lib. xix. cap. 31. *Dictæ torques, quod sint tortæ.*

Hinc

Hinc apud Virgilium lib. v. *circulus obtorti auri* & lib. vii. *ferreum collo aurum ingens coluber*. Sed qua specie? Aurum prius lucebatur in fila quædam, ea deinde instar funium torquebantur in unum. Curopalates : *σπεπτόν δέ ἐστιν ἐληλαμένον χρυσὸς καὶ τριῶν πεπλεγμένον καὶ τριῶν χρυσίων, ὅπως ἐφόρει ἐπὶ τραχήλῳ*. Est autem torques, aurum ductum, implexum ex tribus quasi funiculis, quod gestabant de collo. Effigiem torquium hujusmodi exhibet nobis Rationarium Imperii vetus, præsertim in imagine superioris Lybiæ & Cariæ & Rhodope. Dixi torquium hanc antiquissimam fuisse figuram; alia enim fuit circulorum, licet & hi torquium nomine interdum veniant. At Lipsius ex annulis fuisse putavit, eo sicut hodie fiunt, modo. *Istæ*, ait libro v. de Mil. Rom. Dial. 17. de torquibus, *contortæ & ex annulis aut satellis plexæ*. Videturque juvari à Lucano, dum hic lib. vii. de lorica.

— *qua torta graves lorica catenas*

proponit. Tribuit enim loricae tortæ catenas, quæ Lipsio non nisi ex puris annulis inter se connexis. Ipse lib. i i i. dicti operis, Dial. 6. de ealorica. *Non aliud fuit, quam circuli sive annuli ferrei inter se nexi, more, quem hodie Galli & Germani servamus*. Imo origo à Gallis. Si catenæ illæ ex hujusmodi annulis, & ob catenas lorica torta, quid prohibet, quominus & in torquibus confertos inter se fuisse annulos statuamus? Verum alia omnino fuit ratio ejus loricae, quam describit Lucanus; alia ejus, de qua loquitur Lipsius. Hæc revera circulos habebat integros serie continua inter se connexos, & inventa primum est à Gallis, sicut recte ex Varrone probat. Ea vero, quam describit Lucanus, adeo non à Gallis fuit, ut ejus etiam meminerit Homerus Iliad. ε φ, quem haud dubie Lucanus expressit. Sic autem Homerus

Ἄλμυρ δὲ ἀννὸς νύξει διὰ σπεπτοῖο χιτῶν.

quod Homero *σπεπτός χιτῶν*, id iisdem verbis Lucanus *loricam tortam* appellavit. Quæ ergo inter hanc & illam differentia? Ea puto, quod hæc ipsa haberet funes, ut sic dicam, ferreos ex continuis filis in orbes volutis, sicut torques veteres fuerunt, qui deinde funes inter se conferti erant hamis. Vnde & hamatæ hæc loricae dicebantur. Virgilius:

Loricam confectam hamis auroque trilicem.

Quid est *trilicem lorica*? quæ constat ex loris tribus in suum funem

funem contortis & confertis hamis quomodo hodieque Germani *Zuulich*, *Trilich* appellamus vestem non ex singulis, ut fit vulgo, sed duplicibus triplicibusve filis in unum contortis textam. Quod ergo alias faciebant ex loris, id interdum faciebant & ex filis ferreis. Interim illa ipsa fila quando torquebantur, flectebantur in circulos, non quidem integros ac discretos, sed serie continua ex eodem filo inter se connexos. Hinc circulo-
rum etiam in his apud veteres mentio. Eustathius ad Il. 2. *πεπτόν χατῶν νοῦσι ἐπὶ θώρεα καὶ κατὰ τῆ ἐπ' ἀλυσίδωτα*. Sidonius, in Panegyrico ad Anthemium

— *nec sutilis illi*

Circulus impactis loriceam texuit hamis.

Vocat circulum, non circulo alio, sed hamis sutilem, quod non quadrat in istud alterum genus, ut vel ipse vidit Lipsius. Quare sicut alias ex loris pluribus tortis faciebant loricas inter se confutis licio, sic etiam ex torquibus ferreis, hamis ferreis inter se junctis, quarum torquium ferrearum circuli propterea à Sidonio *sutiles*, vocantur. Nec enim vere futiles illi circuli, quorum alter alterum continet, sed qui à re alia, ut sunt hami, consueuntur. Fuerunt ergo torques veteres vere tortæ ex uno pluribusve filis, habueruntque suos, non quidem discretos, verum serie continua junctos annulos, in quo à catenis vulgo dictis differabant, atque ideo & à catenulis, seu catellis, quæ inter præmia & dona militaria referuntur. Catellæ ex annulis vel singulis, vel binis inter se cohærentibus figura, qua barbare numerum octenarium designamus, factæ erant: at vero in torquibus annuli omnes inter se cohærebant ex filo uno procedentes. Vnde & torques rotundæ crassioresque instar funium, catellæ laxiores fuere. Quo factum est, ut torquibus postponderentur, jungerenturque fibulis, etsi fibularum usus fuerit in vestimentis, catellarum in ornando collo. Hesychius: *ἀλύσειον, τὸ περὶ τὸ τρίχαλον πλόκιον*. Licet autem crassiores essent torques, proprie sic dictæ, duri tamen & immobiles fuisse non videntur, sed libere penduli, inque eo diversum quid habuisse à circulis, qui ipsi sæpe torques appellantur. Contra, quam putavit Argolus ad 11. Onuphrii de Ludis Circ. cap. 9. ubi torques à Latinis proprie circulos dictas esse refert. Virgilius lib. v. *Æn.*

— *It pectore summo*

Flexile

Flexilis obtorti per collum it circulus auri.

Non *circulum* simpliciter, sed *flexilem* appellat, quod non intelligitur, nisi eo modo, sicut dixi. Iuvatque additum verbum *ire*, de quo Servius: *rei inanimata dedit motum, dicendo it.* Nec enim vel motum eleganter dedisset, vel hoc verbo usus esset, nisi illæ ipsæ torques mobiles fuissent. Puto ex hoc ipso esse, quod Isidorus dicat dependere. *Torques*, ait, *sunt circuli aurei à collo àd pectus usque dependentes.* Pendet sane proprie, quod durum, & quocunque modo suspensum est: dependet autem, quod flexile. quomodo apud Virgilium *sordidus ex humeris Charontis nodo dependet amictus*, vel quod pendet in re flexibili, ut apud eundem *galea dependet ramis*. Hujusmodi ergo erant torques. At circuli rotundi quidem, sed duri fuere crassioresque, ex una massa, figura orbiculâri. quales annuli, quibus circumdant colla fontium, qui & ipsi *torques* inde dicti. Glossa. *Boja, torques damnatorum.* Boja annulus est, sive circulus, quo colla vel pedes delinquentium *nodantur*, ut Pacatus noster loquitur. Ita enim scribendum existimamus, non *nudantur*, ut est in vulgatis, neque *annulantur* uti vult Gruterus. Nempe Virgilium suum est secutus, qui libro IV. AEn. cecinit

— *crines nodantur in aurum.*

Tales ergo annuli isti honorarii etiam fuere, sive circuli. Ita sane pictos habemus apud Gruterum in Inscriptionum opere pag. 1030. Dubium nullum est, quin circulos repræsentent figuræ illic exhibitæ. In quibus porro id notabile, quod non continue in orbem redeant, sed ab una parte sint aperti, hicque orbiculum, illic uncum habeant, qui orbiculo ceu fibulæ innecti, iterumque potest eximi. Oportebat nempe tales esse, quia strictius ambiebant collum, cui circumdari haud potuissent, nisi à parte una aptuissent. Et quoniam uncus istiusmodi habuere, hinc fortassis est, quod cecinit Propertius lib. IV.

Torquis ab incisa decidit unca gula.

Non obstat, quod appellat torquem. nam & sic generaliori voce appellabantur, quoniam id ipsum in circulis aurum erat tortum aliquando, præferebatque velut ductus striasque in ambitu, ad modum funis. Et loquitur de Viridomaro Celta sive Gallo Propertius. De Gallis autem Diodorus clarissime lib. V. *περὶ τὰς αὐχάνους καὶ κύας πυχὰς ἐλαιοχρύσεας φορεῖσι.* circa collum circulos

crassiores ex solido auro gestant. Eadem in circulis figura retenta est in Britannis & Pictis, licet in alia materia. Vnde Herodianus loco, quem superius laudavimus: τὰς τερχήλας χρυσμας, σιδήρων non σπεπτοῖς ἐν σιδήρῳ, tanquam de solidiori re; cujusmodi plane fuisse torques eorum ex vetustissimo Angliæ Chronico delineata monstrat effigies Picti apud Theodorum de Bry in Historiis Indicis. Cœterum ut a torquibus, sic & à circulis hisce diversa fuerunt, quæ monilia veteribus sunt dicta. Nam cum torques essent mobiles & ex annulis, circuli solidi & rotundi vel simpliciter, vel cum flexuris striisque, monilia paulo erant latiora, nec tam rotunda, quam plana, collumque arctissime stringebant. Quod ex eo intelligimus, quia Isidorus dicit appellari *segmenta*. Hoc vero proprie est latum quid, ut in veste linteus, ex purpura, auro, argento, gemmis contextum. quod quia lineis aureis secantibus se decussatim, aut argenteis sere distinguebatur, hinc segmentum dictum est, ut ante docui. In ejusdem glossis puto *Baen* vocari. Ita enim habent. *Baen est lamina auri ab aure ad aurem, qua familiares Regum utebantur.* Ornamentum colli ex auro & gemmis, quod alio nomine torques potest dici. Vulcanius pro *Baen* scribit *Baream* quia lamina sic dicitur Hispanis. Ego sicut ple- raque illius auctoris, ita hoc Germanicum existimo, & vel contractè, vel corruptè positum pro *band*, quod fasciam, aut vinculum, cui simile est, significat. Isidorus ait & *serpentum* appellari. Puto tamen inter ista hanc fuisse differentiam, quod monile ex auro esset solido gemmisque; segmentum ex purpura inter- texto decussatim auro argentoque; Serpentum pariter ex purpura, auro, argento, sed metalli filis non decussatim interfecantibus se, verum flexis sursum deorsum, modo, quo serpentes reptare, reptantesque pingi solent. Sic enim interpretor Isidorum quando de Serpente: *Hoc etiam serpentum dicitur, quia constat ex amphorulis quibusdam aureis, gemmisque variis in modum facturæ serpentis.* Ait in modum serpentis, quod non aliter accipio, quam de ista auri gemmarumque dispositione, quam prædixi. Ille enim proprius serpentis modus, ut clarius quondam præmissum indicabat verbum, nunc corruptum in *facturæ*, quod nil hic significat. Sed & τὸ *amphorulis* suspectum est, mallempque *textum torulis* pro *ex amphorulis* legere. cum præsertim texendi vox in his sit frequens, & de segmento, quod non multum differ-
bat,

bat, usurpavit Scholiastes vetus Iuvenalis Sat. VI. Nisi quis plane ex amphorulis quibusdam compositum fuisse, vel amphorulas res qualescunque, mutuo se velut ansis continentes interpretandas esse arbitretur. Quomodo hodieque torques Equestres ex confertis inter se rosis, cochleis, crucibus, fasciis, ignitabulis, aliisque rebus plurimis fiunt. Quo pertinet, quod in Onomastico veteri Argentoratensi *σπειτόν* exponitur *interrasile*, quodque dracuncolorum mentionem apud veteres observamus, eorumque certo numero in torquibus. Inscriptio vetus apud Gruterum pag. 70.

DEO. ÆSCVLAPIO. VAL. SYMPHORVS.
ET. PROTIS. SIGNVM. SOMNI. AERE-
VM. TORQVEM. AVREVM. EX. DRA-
CVMCVLIS. Δ. P. S. 7. — ∴ — &c.

Neque alia opinor *murenarum* fuit species, unde Isidorus eis tribuit *auri metallum in virgulis lentescens in similitudinem murenæ serpentis*. Et in Cantico *murenulæ vermiculatæ argento* dicuntur. Quomodo VVilramus in paraphrasi

Auri murenas argento vermiculatas.

Iam ut aurum argentumque in murenulis & serpentis instar angujum, in segmentis instar crucium fuit dispositum, sic in phaleris instar stellularum seu claviculorum prominebat. Et in hoc à marenulis monilibusque phaleræ differebant, multoque magis à torquibus. Torques erant rotundæ ac tortæ, phaleræ planæ ac latæ; torques erant ex puro auro, phaleræ claviculostantum aureos habebant. In quo & differebant à cœteris, segmentis dico, & monilibus, & serpentis, cum hæc ipsa vel ex solido essent auro, vel id alia effigie in funiculo aut fascia haberent dispositum. Hesychius: *φάλαρα, ἐσπραχάλισκος ὁ ἐπὶ τῆς κεφαλῆς, καὶ ἀρσιναιθίδες χαλινόν*. Puto autem esse à *φάλος*, quod est à *φάω*, & propter splendorem ita dici, sive lumen in istis claviculis aut stellulis. Sane apud Homerum est *φάλερος*, ex eadem origine, pro illo, quod spuma bullisque albicat. Vnde conjicio Phaleras nil aliud fuisse, quam cingula quædam claviculis aureis velut bullis ornata. Ita sane pictæ reperiuntur phaleræ equorum in Notitia Imperii. & Pancirollus ad Insignia Viri Ill. Præf. Prætor. per Illyricum. *In impresso pro fasciis*

fasciis aureæ phalera cernuntur, hæ sunt ovales orbiculi & auro distincta lora. In M. S. purpureæ tænie dorsa ac pectora collaque e quorum complectuntur. Quemadmodum ergo equi phaleris huiusmodi ornati, ita ipsi quoque equites. Hinc fulgere dicuntur Silio lib. xv.

— phaleris hic pectora fulget.

Fulget phaleris proprie, quia fere ex auro bullæ istæ in cingulis fuere. Dico fere, nam & ex argento habebant. Hinc apud Athenæum *χευσοφάλαγγι* & *ἀργυροφάλαγγι* lib. v, qui aureis aut argenteis phaleris sunt ornati. Sed à phaleris atque torques revertendum est. Earum, sicut dixi, antiquissima figura fuit torta ex quibusdam auri funiculis: Sed apud Persas Græcos & Romanos. Nam apud alias gentes alia earum reperitur species. Alilei Cassandrinique Arabici populi ex auri quod purum è terra effoditur, Græcisque *ἀπυργον* vocatur particulis nulla arte elaboratis conficiebant, solum in funiculo inter lapides pellucidos dispositis, ut Agatharchides testatur. Verba postea adducam. Aliæ gentes aurum deformabant in effigies quarundam sæpe bestiarum, uti supra de Serpente demonstratum est. Ita caneros aureos in modum torquis contextos apud Indos memorat Cortesius. Gladios aureos invicem cohærentes, balteo subnexo militari pro torque veteres Sueciæ Reges usurpasse Mennexius autor est. Item geniorum imagines, cruci duplici distinctos. Quanquam in posteriore falsus mihi videatur, & deceptus imagine mergitis (Vvasam Sueci vocant) proprii familiæ Gustavianæ symboli. Est enim apud me nummus ab Erico Rege ante annos fere nonaginta cusus, cum eiusmodi ex mergitibus & geniis alternatim compositis torque, insignia Regni Suetici ambiente. Daniæ quoque Reges alias quam vulgari specie usurpant torques, usurparuntque. Saxo lib. v. de Frothone: *Habebat torques ejus nexilia bullarum cælamina, interstitaque Regum simulachra, quæ ad interioris fili ductum nunc contrahi, nunc dirimi possent.*

S. 5. Bullæ in torquibus suspensæ.

Torques sæpe non gestabant solos, sed alio quandoque decorabant Ornamento veteres, quod bullam appellabimus.

Ornamen-

Ornamenti hujus usus antiquissimus, & apud Ægyptios quoque notus. Apud illos quippe Iudices è lapidibus preciosis gestabant bullam istiusmodi in torque, quam vocabant *veritatem*. Diodorus Siculus lib. 1. εφόρει δ' ἀρχιδικαστὴς ὡς τὸν τράχηλον ἐν χρυσοῦς αἰλύσεως ἡρτημένον ζώδιον τῶν πολυτελεῶν λίθων, ὃ προσωτέρω δὲ ἀληθείαν. Τῶν δ' ἀμφισβητήσεων ἡρχοτο ἐπειδὴν τῶν τῆς ἀληθείας εἰκόνα ὃ ἀρχιδικαστὴς ὤρεσθαιτο. Gestabat iudex summus in collo ex aurea catena pendens è lapillis preciosis simulachrum, cui veritas nomen. Hoc à iudiciorum principe assumptum disceptandi lites auspiciū erat. Aelianus non ex pluribus, sed una tantum gemma istam ait fuisse imaginem. Ita namque lib. x i v. cap. 34. εἶχε ἡ καὶ ἀγαλλμα περὶ τὸν ὤχινον ἐκ πεπφειρε λίθου, ὃ ἐκαλεῖτο ἀγαλλμα ἀληθείας. Habebat circa collum imaginem ex sapphiro gemma, quæ vocabatur *veritas*. Sed ipse peculiariter ad imaginem respexisse videtur, Diodorus etiam ad reliqua ejus ornamenta, quæ ex geminis aliis potuerunt fuisse. Id plane observandum est, quod ex sapphiro fuerit illa imago. An ex superstitione quadam, tanquam hæc gemma pravis resisteret affectibus, quibus vacuum esse iudicium oportet? Fr. Rueus lib. 1 1. de gemmis. Devotionem, pietatem, constantiam, pacis ambitionem, deorum munera, opimæque, quod ad hanc vim spectat, beneficia invitare conciliareque fertur Sapphirus. Addunt contra iracundiam, invidiam, fraudes, & tristitiam possere. Ad hoc contra effrenes animi mores efficax est credita. Sed forte ex hac ipsa Ægyptiorum consuetudine ista de gemma opinio est exorta: Quemadmodum ornamentum ipsum sumptum ab Hebræis. Idem enim fuit, quod apud illos Sacerdos summus gestabat. Et arguit primum, quod ex gemmis fuit. deinde, quod *veritas* nominatum est. Ita namque interpretantur Septuaginta id, quoque, quod in rationali Sacerdotis Urim & Thumim est. ἡλωσιν καὶ ἀληθείαν, doctrinam & veritatem appellant. Accedit, quod hoc ipsum nihil præter gemmam, nominatimque adamantem fuisse, cum Suida, etiam Epiphanius opinatur lib. de 1 1. gemmis. εἰς μέσσην ἡ τῶν λίθων ἡ δὴλωσις, ὅς τις ὃ δὴ ὡς ἀδαντὴς τῶν χειρῶν ἀριζών. In medio horum erat claritas (supra aliorum interpretationem secuti doctrinam vocavimus) quod est jam dictus adamantis colore aerem referens. Dicit adamantem una fuisse coloris aërei, quod haud male quadrat etiam

in sapphirum, sive & hic Sapphirus intelligatur, sive loco adamantis Ægyptii Sapphiro sint usi. Nam ut Arias Montanus inquit in Aarone, Hebræi quoque ajunt Sapphiros quosdam esse albos, eosque adamantes vocari, quosdam vero cælestem referre colorem, inter album & cæruleum, & hos stricte ita dici. Atque istiusmodi quidam bulla apud Ægyptios in torquibus usi iudices. At milites scarabæos gestabant ex, vel in gemmis sculptos, si Pignorum audimus. Ita enim is, in Mensa Isiaca: *Ægyptiorum bellatores è gemma lapideve scarabeos elaborabant, in eum videlicet usum, ut filo trajectos gestarent. Cujusmodi è Sardævidi apud amicum meum Edmundum Bruzium. De iisdem etiam Casalius Parte II. cap. 10. de urbe & Imp. Rom. Reperiuntur plurimæ veteres & diversimodæ gemmæ, effigie scarabeorum ac variis hieroglyphicis elaboratæ, quas duces strenuis bellatoribus tradebant, ut filo trajecto ad brachia seu ad collum gestarent. Habent contentientem sibi Ælianium, qui sic scribit lib. x. Hist. Anim. cap. 15. Αἰγυπτίων οἱ μάλιστα ἐπὶ τῶν δακτύλων εἶχον ἐγγεγλυμένον κῆνθαρον. Ægyptiorum bellatores in gemmis insculptas habebant scarabeos. Ita puto locum hunc vertendum, & δακτύλιον de gemma ipsa accipiendum. Cum præsertim hoc testentur, quos supra laudavimus, ipsas etiam effigies earum gemmarum exhibeant. Quanquam utrumque habuisse potuerunt. Nam & de annulo confirmat Plutarchus lib. de Iside & Osir. τοῖς μάλιστα κῆνθαρον τῷ γλυφῇ σφραγίδος. Bellatores scarabeum annulo insculptum habuere. Pierius præter Ægyptios, Romanis etiam hoc tribuit lib. v 1 1 1. Hierogl. cap. 20. Erat, ait, & signum Romanorum militum scarabeus. Sed hoc ego nusquam observavi. Antiquioribus temporibus nil eorum torquibus appensum puto: ante paucademum sæcula institutum, cruces, fascias, divorum imagines, & id genus appendere. Ex quibus hodie eminet vellus aureum, quod Germani mei corrupte das gulden flus, pro vellus vocant. Est id arietis ax auro simulachrum, decoratum gemmis, suspensumque in torque, quod ipsis Imperatoribus Regibusque magna pompa fastuque dant Hispani. Autorem habet Philippum Bonum Burgundiæ ducem, qui ante duo circiter sæcula floruit. Hæ bullæ militares hodie Veteres nec Germani, nec Romani habuere, nisi solus Imperator, neque is, nisi triumphans, si Pierium audimus. Erat, inquit lib. x l 1, cap. 5, & triumphantium gestamen bulla, quam in*

triumphis præ se gestabant , inclusis in ea remediis , quæ adversum invidiam pollere credebantur. Ac fortasse huc respexit Isidorus l. x i x . c . 31 . ubi scribit : Torques & bullæ a viris geruntur . Nam alias falsū est , cum frequentius gestarint pueri , nonnunquā & puellæ ut post ostendetur . Sane pro Pierio est Macrobius , è quo habere sua existimo . Verba sunt in l . v i . Sat . Pro concione laudavit , & bulla aurea prætextaq; donavit insigniens puerum ultra annos fortem præmis virilitatis & honoris . Nam sicut prætexta magistratum , ita bulla gestamentum erat triumphantium , quam in triumpho præ se gerebant , inclusis intra eam remediis , quæ crederent adversus invidiam valentissima . Notandum quod de remediis ait , inclusis intra bullam . Patet enim hinc , intus fuisse cavam , atque adeo & claudi & aperiri potuisse . Nec aliæ , opinor , bullæ puerorum , ut quos Priscus ad formam istarum primus puero , eique filio suo indulsit , unde postea deductus mos , ut prætexta & bulla in usum puerorum nobilium usurparetur , sicuti prædictus author loquitur . Auream profecto pariter tuisse docet Propertius lib . i v .

Mox ubi bulla rudi demissa est aurea collo.

Et Asconius in Verrinam III . bulla suspendi in collo infantibus ingenuis solet aurea . Cavitatem , vocabulum ostendit . Bulla enim omnis intus cava , & si causa non fuisset , pilam rectius , aut pomum appellassent . Quanquam & iccirco appellare maluerint bullam , quod licet rotunda esset , non tamen esset per omnia , similior bullis , quam pilis . Isidorus lib . x i x . cap . 31 . Dicitur bullæ , quod sint similes rotunditate bulis , quæ in aqua vento instantur . Vult , rotundas quidē esse bullas , sed rotunditate illa , quæ est in bullis aquarum . Hæ autem dimidia tantū parte sua tales , reliqua plana incumbit aquis . Hoc est , quod Plutarchus ait in Quæst . Rom . ὅτι μὴ ἐπὶ τῆς διὰ τὴν σελήνην φορέει . τὸ γὰρ φαεινότερον ἥμισυ τῆς σελήνης ἐπὶ τὴν ἡμέραν , & σφαγεῖδες , ἀλλὰ φαεινότερον ἐπὶ τῇ δι-σφαγεῖδες . Vide annor bullam quoque propter lunam gestant . Lunæ enim figura , cum dimidiato fulget orbe , non est globi similis , sed lentis aut disci formam præ se fert . Luna aut ex altera parte , qua lumine destituitur , plana est , ex altera , qua opposita est soli protuberat , atque ita lentis sive disci præfert figuram , non rotundi undique globi , id enim tum demum fit , cum lucet pleno lumine . Talis ergo & bullarum puerilium figura fuit . Existimarunt aliqui , non rotundam , sed oblongam habuisse figuram . Sed non

ca mens Plutarchi, uti velle disci similitudine apparet. quem non oblonga, verum circulari forma, plana ab una parte, ab altera rotunda fuisse Hieronymus Mercurialis docet. Quemadmodum nec lentis ista est figura, verum sicut disci circularis, cuius figuræ respectu etiam sol ipse, qui utique non oblongus, dicitur Alexandro in Probl. secundo nuncupatur. Vnum obstat, quod Macrobius in bullis cordis memorat figuram, ejus vero non rotunda species. Verum si quid video, longe aliud is innuit. Verba sunt in Somnium lib. 1. c. 6. *Nonnulli credunt ingenuis pueris attributum, ut cordis figuram in bulla ante pectus annexerent, quam inspicientes, ita demum se homines cogitarent, si corde præsarent.* Non dicit Macrobius bullam habuisse formam cordis, sed in bulla eam formam ante pectus fuisse annexam. Quod de sculpta vel quocunque modo expressa in bulla cordis effigie intelligendum arbitror. Certe nisi locum sic interpretemur, aut falsa erunt, quæ Macrobio traduntur, aut reliquorum omnium testimonia, ipsius quoque nominis similitudo ratioque collabentur. Porro bulla proprie patriciorum fuit primis temporibus. Macrobius. *Putant Priscum instituisse, ut patricii bulla aurea cum toga, cui purpura prætexitur, uterentur, duntaxat illi quorum patres curulem gesserunt magistratum.* Deinde cum prætextatis omnibus communicatus est is honos. Festus. *Bulla aurea insigne erat puerorum prætextatorum, quæ dependebat eis à pectore, ut significaretur ætatem alterius regendam consilio.* Dicta autem est à Græco sermone βέλη, quod consilium dicitur latine. vel quia eam partem corporis bulla contingat, id est pectus, in quo naturale manet consilium. Puto mutila hæc verba esse, vel à breviatore corrupta. Quo enim pertinet illud vel, nisi ei aliud simile respondeat? Deinde illa id est pectus ex glossemate interpretis videntur inserta loco plane incommodo, indeque factum, ut in sequentibus pro in qua, in quo scriberetur. Sed & ipsa nominis derivatio placere nequit. Quomodo enim à βέλη, bulla? debuisset bula esse. Scio quidem, quid hic notet Scaliger, Terentinos nempe pro βέλη, βόλλα dicere. Sed id primum notat sine aliqua autoritate. Deinde ut hoc concedamus, quomodo à βόλλα, bulla potius, quam bolla? sicuti ex αμβόλλα apud Latinos factum est non abulla, sed abolla, uti ipse observat. Sed nec cordis in bulla opus figura fuerat, si nomen admoneret, quod significare figura debebat. Ergo verius à bulla aqua-

rum nomen accepisse putamus. Asconius : Bulla suspendi solebat aurea infantibus quasi bullientis aquae. Plutarchus in Romulo. καὶ πῶδας αὐτῶν τῷ καλεμρῶν βύλλαν ἀπὸ τῆς χήμας, ὅμοιον πομφόλῳ. Εἰδεργάκοντι. Cœterum ut patriciorum pueri bullas aureas, sic reliquorum civium, gestabant lora. Vnde Iuvenalis Sat. v.

— Et ruscum puero si contigit aurum

Vel nodus tantum, & signum de paupere lora.

Scholias tes vetus ibi : Antiquitus nobilium pueri bullas aureas habebant, pauperum de loris, signum libertatis. Habebant de loris, ait, sed quid? bullas censeo, illuc enim referri videtur. Hinc apud Asconium : Bulla suspendi in collo infantibus ingenuis prætextatis solebat aurea, libertinis scortea. Bullam scorteam expresse vocat. Id quoque notandum est, quod plebejis quoque bullas tribuat aureas, solis libertinis scortear relinquat, cum prædictus Scholias tes Iuvenalis non tam his, quam plebeis omnibus, sive iis, qui non essent nobiles, assignaverit. Nempe sic crevisse ambitio videtur, ut quod primum omnibus commune fuit, exceptis eorum filiis, qui curulem gessissent magistratum, id deinde ad libertinos solos relegaretur. Illud dubium est, an, cum bulla horum fuerit scortea, imaginem tamen aureæ retulerit? Iuvenalis sane nodum vocat, unde magis est, ut de illo coniectemus. Gestabantur nihilo minus in torque aurea plerumque, etiam ab his, ut puto. Et enim si torquium gestamen non promiscuum fuisset, frustra cautum esset de bulla. Plutarchus profecto promiscue in vita Sertorii : τὰ χρυσᾶ ἀνδρόδερα καὶ Ῥωμαῖοι βύλλας καλεῖσι, torques aureæ, quas Romani bullas vocant. Simpliciter sic vocat, absque distinctione patriciorum aut libertinorum. Et obtinuit superioribus adhuc temporibus. Pierius lib. x l i. cap. 5. Nostræ etiam ætatis mos est, ut si quis torquem aureum catellam re gestare voluerit, neque tamen equestri, vel, ut ajunt, militari, aut alia quapiam dignitate cui gestamen illud competat, sit insignius, ligulam ex lora gestamini ejusmodi alligare compellatur. Itaque miror, quid voluerit Scholias tes vetus Iuvenalis, quando in superiori loco signum explicat corrigiam parthicam, unde solet bulla pendere. Quid enim parthica, corrigia? ut de corrigia ipsa nihil dicam. corrupta omnia

videntur, atque talia, quæ exponi, nisi melioribus codicibus intervenientibus haud possent. In bulla porro id notandum, quod amuletum quoddam intra se habuerit, maxime ea, qua ornati erant triumphantes. Quale illud fuerit, constare puto nemini. Conjecto tamen de re magica: usitata enim talia veteribus fuere. Pueri profecto habuere, quod vocabant fascinum. Pignori in Mensa Iliaca: *Hinc Neurospasta apud Lucianum, & remedium præbiare in collo pueris res turpicula, Fascinus videlicet, quem infantium custodem appellat Plinius.* Addit ibi speciem ex lapide lazuli manus est, pollicem inter indicem digitum & medium protendens, atque ita præbens speciem virilis membri. Allusit ad id Cario apud Plauti Militem Act. v. sc. 1. *Faciam, inquit, quasi puero in collo pendeant crepundia.* Verba sunt ad mœchum, cui virilia se exsecturum nunitatur. Quod ait, *pendeant in collo*, eo respexit partim ad consuetudinem torquium puerilium, partim ad modum recepti in talibus supplicii, præsertim apud severiores. Quomodo apud Suetonium legimus de Cajo, cap. 32, *quod servum ob detractam lectis argenteam laminam, carnifici confestim tradiderit, ut manibus abscissis, atque ante pettus e collo pendentibus per cætus epulantium circumduceretur.* Amuleta interim talia hodieque gestare alicubi infantes ex torquibus & catenis modo aureis, modo argenteis, alia atque alia figura consueverunt. Nec infantes tantum, sed & fœminæ delicatiores. Adhibentur aliquando in ipsis etiam bestiis. quomodo nunc quoque Turcæ servant suum *maili* sive *musca*, quo contra ictus telorum se equosque putant defendi. At vero in puerorum torquibus, addita & *γυαίσματα*, hoc est talia, unde nosci conditio aut fortuna eorum posset, qualia sæpe & à nostris appendi solent infantibus, in lavacro sancto ab amicis donata. Quanquam apud veteres iis potissimum legantur appensa, qui exponebantur, erantque interdum annuli, interdum monilia ipsis fasciis illicata, ut ex lib. x. Heliodori & Eunuchio Terentii observamus. Ceteri habebant *παύγια*, quæ tametsi & ipsa sæpe appellantur *γυαίσματα* inter ea tamen & ista id discriminis fuisse arbitror, quod omnia quidem *παύγια* essent *γυαίσματα*, non vero *γυαίσματα* omnia *παύγια*. *Παύγια* enim proprie, quo infantes ludunt, cujusmodi in Rudente Plauti Act. iv. sc. 4, nominantur ensiculus securicula, sicula, manicula, fucula, Vna voce alias *crepundia*

pendia vocantur , quanquam & hæc id proprie denotet , quod crepitu sonat , & à ploratu ad silentium revocat infantes . At vero neutrius generis fuerunt , quorum meminit Heliodorus , & *νωρίσματα* appellat . Sed monilia & annuli ad ipsos puerorum parentes pertinentes , & hætenus *νωρίσματα* , quia inde partum expositum cognoscere licebat . Interim & *παργνία, νωρίσματα* , cum ob alias rationes , tum præcipue , quia in eis parentes nomina sua inscripta habebant . Clarissime in supradictò Plauti loco .

P. Ensiculu' est aureolus primum litteratus D. dice dum

In eo ensiculolitterarum quid est? P. mei nomen patris.

Post altrinfecus est securicula anceps, item aurea ,

Litterata : ibi in tris nomen in securicula est.

Ex his ergo inscriptis nominibus & liberi parentes , & hi liberos agnoscebant . Vnde illa puellæ apud dictum Comicum : *ô mi parentes, hic vos conclusos gero, de crepundiis, intra cistulam conclusis.* Illud amplius apud Plautum notari mereatur, quod inter illa ipsa crepundia memoretur quoque bullæ . Ita namque dicta puella : *Et bulla aurea est , pater quam dedit mihi.* Accedit , quod puellæ data dicitur , quæ alias propria fuit puerorum . Possis profecto hinc conjectare , quasi promiscue infantes cujuscunque sexus usurparint . Nisi dicamus puellarum bullas alterius fuisse speciei aut figuræ . Habuerunt enim veteres & , quas *lunulas* vocarunt . Glossæ Vulcanii : *Lunula , bulla in similiudinem lunæ dependens.* At has Hieronymus mulieribus assignat , quod notandum est . *Habent, ait, mulieres in lunæ similitudinem bullas dependentes.* Inter ornamenta muliebria recenset quoque Esaias cap. 111. §. 18 , & ex eo Tertullianus de cultu fœminarum . *Nullam, inquit , de conchylio vestem Esaias increpat, nullas lunulas reprobeat &c.* Errant , qui fibulas exponunt , ut ad Tertullianum fecit Fevardentius . Revera enim bullæ fuerunt in torquibus , ut Hieronymus testatur . Et in Esaiæ loco Græci habent *μνήσκεις* . Iam vero de his Hesychius : *Μνήσκει, πέταλα , πενταεχίλια , μαριάκια , πεδέρεια.* Latinum lunularum nomen pridem in fœminarum ornamentis usurpavit Plautus in Epidico Act. V. sc. i. ubi parum recte Lambinus *lapillum seu gemmam rotundam* , instar Lunæ exponit , nisi ad hoc ipsum genus respicit . quanquam & in univ-
ersum potius ex auro, quam ex gemmis fuisse existimem . Tales ergo istæ puellarum bullæ fuerint , non undiquaq; rotundæ, sic-

ut puerorum, vel quacunque denique alia specie. Invenimus enim & *Liliola* in torquium genere, quæ aliter non intelligo, quam de bullis ejus figuræ. Glossæ Benedicti: *Leliolum*, *Λελίον*. Vitiosum Vulcanius vocabulum arbitratur, & in *collarium* mutandum. Sed quid opus? cum qua ratione lunula, ea liliolum apte intelligatur.

§. 6. Magnitudo torquium, pondus, pretium, numerus.

TOrques non unius ejusdemque vel magnitudinis, vel ponderis fuisse per se patet. Ut enim in cæteris, sic in torquibus pro ratione dignitatis, fortunarum, ingeniorum variatum. De iis, qui virtutis aut honoris causa dabantur, expresse notatum invenimus apud veteres. Scilicet quo cujusque major erat virtus, hoc majus merebatur præmium. Elegantissima est inscriptio in opere Gruteri pag. 96, in qua torquis majoris nomen, quod intelligi sine cogitatione minorum non potest. Verba hæc sunt:

IANO. PARI.

AVG. SACRVM.

C. IVLIVS. C. F. SER.

ÆTOR. ÆD.

DONATIVS. AB. TIB. CÆS.

AVG. F. AVGVSTO. TORQ.

MAIORE. BELLO. DELMAT.

Torquem majorem hic expresse appellari cernimus, ejusque velut certæ ac peculiaris fieri mentionem. Etenim si solam attendisset magnitudinem, *maximam*, vel *ingentem* potius, & aptius scripsisset ejus auctor. Nunc cum majorem vocet, velut in relatione ad minorem, probabiliter conjicitur duo torquium militarium fuisse genera, alterum majorum, quod dabatur in majori facinore, alterum minorum, quod dabatur in minori. Ac fortasse minores torques, quæ catellæ dicebantur. Pretium profecto earum fuit exiguum, unde fibulis conjunguntur. Livius lib. xxxix. cap. C. *Calpurnius donavit equites suos phaleris. Quintius alter præter, suos catellis ac fibulis.* Minus lauda-

laudabilis, ut ex narratione videas, Quinctianorum fuit opera; igitur minore præmio ornantur, ii autem sunt catellæ ac fibulæ. Pretiosiores ergo torques vulgo ita dictæ, ac proinde etiam majores. Sed & ideo catellæ minores, quia ex tenui filo erant formatæ, rarumque habebant aurum: contra torques majores, quia crassiores. Quanquam magis eo inclinem, ut in ipsis torquibus proprie sic dictis fuisse illam majorum minorumque differentiam existimem. Differebant sane pondere, unde conveniens est, & magnitudinis fuisse discrimen. Sic apud Pollionem legimus in vita Claudii, Valerianum Claudio adhuc tribuno destinasse *torquem libralem unam*. Apud Livium vero Lib. xi l. v. cap. 14. Romanos Gallis misisse *torquem aureum duo pondo*. Contra illos ipsos Gallos Augusto dedisse quandam pondo centum Fabius est auctor Lib. v l. cap. 4. Divus Augustus, ait, *cum ei Galli torquem aureum centum pondo dedissent*. Hæc maximi ponderis, quæ à nobis apud veteres observata est. Neque unquam cuiquam arbitramur datam majorem. Non profecto in militia, in qua librales inter maximas existimamus fuisse. Suadet locus supra à nobis adductus, in cuius verbis nominatim expressum pondus rem supra vulgarem consuetudinem fuisse, reliquasque torques infra hoc pondus substituisse ostendit. Quanquam vero ponderis fuerint minoris ac fortasse tantum dimidii, non tamen ideo viles fuere. Habet nempe libra Romana drachmas nonaginta sex, scriptula ducenta octoginta octo, quorum singula ex Plinii sententia pro denariis quatuor argenteis accepta, faciunt summam mille, centum, quinquaginta duorum denariorum, quæ fere exæquat summam centum Imperialium, seu nummorum uncialium, quos thaleros nuncupamus. Vt sic torques etiam vulgares quinquaginta circiter imperialibus constiterint. Vnde mirum non est, si inter minora dona præcipuum obtinuerint locum. Errat enim Lipsius, quando cum catellis, torques quoque phaleris postponendas putat. *Postponit*, inquit, Lib. v. de Mil. Rom. dial. 17, *catellas phaleris, & minoris habet. Idem iudicium de torquibus*. Imo non idem iudicium, quia nec catellæ eadem cum torquibus. Et profecto aliud inscriptiones veteres ostendunt, in quibus semper inter minora dona

dona primum locum torques obtinent. Dabo ecce ex pluribus istas.

TI. CLAVDIO. T. F. VITALI. &c.
DONIS. D. TORQVIB. ARMILLIS.
PHALER. &c.

Et paulo post.

IN. LEG. I. MINER. MER. DONIS. D.
TORQVIB. ARMILLI. PHALER.
M. VETTIO. M. F. AN. VALENTI.
MIL. COH. VIII. PR. BENEF. PRÆF. PR.
DONIS. DONATO.
BELLO. BRITAN. TORQVIBVS. ARMIL-
LIS. PHALERIS.

Vides semper torques ante armillas phalerasque poni, adeo catellis anteferri non possunt, ut quæ à Livio etiam phaleris postponuntur, verbis quæ ex libro ejus trigesimo & nono antea retulimus. Eundem in donis istis ordinem & autores observant. Val. Maximus lib. III. cap. 2. de Sicinrio: *Præferbantur aureæ coronæ octo, civicæ XIV, murales tres, obsidionales una* (Hæbes majora dona primo loco; sequuntur minora) *torques CLXXXIII, armillæ CLX, hastæ XVIIII, phalera XXV.* Torques hic inter minora dona locum primum occupant. Idem apud Gellium observare licet lib. II. cap. II. Et quo pacto phaleris postponi possint, quæ totæ aureæ non fuerunt? Præferuntur itaque, & merito præferuntur torques ut phaleris, sic etiam catellis. Porro etsi pretium earum fuit tantum, quia tamen major aliquando virtus, hinc pro ejus magnitudine sæpe auctum numerum earum observamus. Ita Probus quidem apud Vopiscum donatur torque aureo uno, at præfectus turmæ Cassianæ apud Hirtium duobus. Verba sunt in VI. cap. 26. *turmæ Cassianæ Præfecto donavit torques aureos duos.* Duos ait, quodque notandum est, ex una causa donasse torques. Hinc forte tantus ille torquium numerus inter Sicinnii dona. An & in cæteris, quæ dabantur in pace, hoc obtinuerit, ignoro. Vnam certe datam, nusquam duas eodem tempore invenio. Et puto in his ma-

gis auctum pondus, quod in bello non potuit, in quo paratæ non erant, nisi vulgares.

§.7. Torques à quibus datæ, quibus concessæ.

Torques dare, nisi Principi aut Regi, usitatum apud veteres fuisse puto nemini, gestare profecto nemini, nisi qui à Principe obtinuisset, saltem apud Persas. Hinc istæ Regum Persicorum pollicitationes passim in S. Litteris de torquibus : & verba Tertulliani, torques apud Persas, Aegyptios, Babylonios prætextæ, vel trabæ, vel palmatæ, vel coronæ comparantis, quæ comparatio esset nulla, si gestare, vel gestandas donare omnibus promiscuum fuisset. Accedit Procopius, qui de ornamentis aureis, inter quæ & torques, hoc confirmat in genere. Ουτε, ait, l. i. de bello Persico δακτυλίω, χρυσῷ, ἔτε ζώνη, ἔτε περὶ νη χρῆσθαι, ἔτε ἄλλω ἔργῳ ἢν ἡμεῖς, ὅτι μὴ ἐκ βασιλεως ἀξίω ἡντι. Non dubium est, his postremis torques etiam includi. Firmatque Xenophon. Pæd. i. ubi expresse de donis regiis & torque: ἔγδ' δὴ ἔξεστιν ἐκεῖ λαμβάνειν ἔχδν, ὃν δὲ μὴ βασιλεύς δῶν. nec fas est ea cuiquam gestare, nisi cui rex dederit. Et hinc interpretatio Achmetis, torquem per quietem visum de futura dignitate exponentis. Cæterum hoc quidem domi observatum, & in pace. Num etiam in bello? arbitror. Apud Romanos præfecto Cæsares dabant. Testis Hirtius de Iulio cap. 26. Bell. Hisp. *Cæsar ob virtutem turmæ Cassinæ præfecto donavit torques aureos duos* : de Augusto Suetonius : *Dona militaria aliquanto facilius phaleras & torques, quicquid auro argentoque constaret, quam vallares & murales coronas, quæ honore præcellerent, dabat.* de Tiberio, Claudio, Vespasiano, Trajano, Hadriano extant inscriptiones plurimæ in amplissimo earum opere à Grutero concinnato. Attulimus jam ante unam, in qua mentio fit hujus rei clarius idem discitur ex his inscriptionibus, quarum altera extat p. 429. altera p. 443.

Q. ALBIO. Q. F. HOR. ILLICI. LEG.
XX. V. V.

CORNICVLARIO. PR. PR. DONIS. DONATO. AB. DIVO. TAIANO. AVG.

TOR.

TORQVIBVS. ARMILLIS.

PHALERIS. BELLO. PARTHICO.

C. NUMISIO. C. F. SCAPT. NUMME-
RIO. NAVILIANO. SENIORI.

EQV. ROMANO &c.

DONATO. AB. IMP. CÆSAR. T. VESP.
AVG. TORQ. ET. ARMILLIS.

Firmant quoq; apud Pollionem litteræ Valeriani, quibus Claudio etiam absens assignat torquem. Liberis vero adhuc reipublicæ temporibus jus torquis dandæ fuit apud summos belli duces. Quo respectu Seneca lib. 1. de Benef. cap. 5. Imperator aliquem torquibus, murali, & civica donat. Sed & sub Tiberio quandoque concessum per imaginem quandam libertatis. Tacitus III. Annali cap. 21. *Rufus Helvius gregarius miles, donatus est ab Apronio torquibus & hasta. Cæsar addidit civicam coronam, quod non eam quoque Apronius jure Proconsulis tribuisset, questus magis quam offensus.* Datæ autem sicut dona cætera, in concione, præmissa laudatione solenni. Vopiscus expresse de Probo: *publice in concione donatus est armillis aureis duabus, torque aureo uno.* Quod si forte Imperator meritum alicujus ignoraret, aut dissimulare vellet, etiam petitas existimo ab iis, qui se dignos eo præmio reputarent; idque formula solenni IMPERATOR, TORQUE ME DONA. Intelligimus ex verbis Fabii lib. VI. cap. IV. *Eluditur ridiculum ridiculo, ut D. Augustus, cum ei Galli torquem aureum centum pondo dedissent, & Dolabella per jocum, tentans tamen joci sui eventum, dixisset: Imperator, torque me dona, Malo te, inquit, civica donare.* Apparet profecto, solennia hæc in militia fuisse cum militum, tum Imperatoris verba. Porro qui sic torque donatus esset ab Imperatore, is gerendæ torquis jus habebat. Vnde & ad nostra tempora translatum videtur, ne cui torquem, nisi Equiti, aut singulariter ea ab illo, qui jus habet, donato gestare liceat. Gestare dico aperte, ac sine nota quadam. Nam cum ligula etiam aliis nonnunquam concessum supra demonstravimus. Sine ea olim nemini fas erat gestare ex viris. Fæminarum alia fuit ratio, in quibus tamen ipsis solenniores quasi torques sponsalitias reperio. Dabant eas sponsi, sicut hodieque solent pluribus in locis. Ita enim vel in Sacris litteris

observa-

observamus. Christus ipse ad Ecclesiam Sponsam suam Ezech. xvi. §. 11. *Ornavi te ornamento, & dedi armillas in manibus tuis & torquem circa collum tuum.* Et in Cantico cap. 1. §. 11. *Mure-nulas aureas faciamus tibi, vermiculatas argento.* Testatur idem Achilles Tatiuss lib. 11. *Ἐώνητο ὃ καὶ τῇ κέρεϊ τὸ πρὸς τὸν γαμρὸν δεξιόθεν μὲν λίθων ποικίλων.* In sponsa ornamentum comparata necessaria omnia, monile variis lapidibus distinctum. &c. Nec alia de caussa Pygmalion apud Ovidium lib. x. Met. fab. 8. statuae suæ

Dat digitis gemmas, dat longa monilia collo.

Dabant forte & amici tempore nuptiarum inter cœtera dona nuptialia. Videtur enim ostendere Medea exemplo suo, de quo Seneca Tragicus

— gemmis est & auro textili

Monile fulgens, quodque gemmarum nitor

Distinguit aurum, quo solent cingi comæ

Hæc nostra nati dona nubenti ferant.

Firmat Venus, dum hoc ipsum facit, & Mariæ Honorii sponsæ torques seu monilia ipso nuptiarum tempore donat. Claudianus de Nup. Hon. vers. 282.

Dixit, & ornatus, dederant quos nuper ovantes

Nereides, collo membrisque micantibus aptat.

Infantes torques suas accipiebant fere à parentibus, die natali. Observamus ex Rudente Plauti Act. 1v. sc. 4, ubi Palæstra: *Est bulla aurea est, pater quam dedit mihi, die natali.*

S. 8. Torques ob quas caussas usurpatæ, torques dignitatis.

Primus torquium videtur usus, ut indicium sint certæ aliuscujus dignitatis. Olim profecto, & ab initio non nisi Regum Principumque gestamen fuere. Vnde Reges ipsi ex sententia quorundam Anakim ab hoc ornamento dicti apud vetustissimos Hebræos. De Assyriorum regibus nominatim discimus ex edicto Abimelarodachi apud Iosephum l. x. c. 12. *δώσω σπρίπ τὸν δεξιὸν χένιον χρυτεον, & πορφύρεῳ ἐδάηλα φορεῖν, ὡς οἱ τῶν χιλιδαίων βασιλεῖς.* Interpres non satis evidenter; *daturum se ei torquem aureum, & purpureæ vestis usum, quali Chaldaeorum reges utuntur.*

Debuisse potius : dabo ei potestatem gerendi torquem aureum & purpuram, qualibus reges Chaldeorum utuntur. In Daniele ipso, unde sua Iosephus hausit, scriptum est in vulgata hoc modo : *purpura vestietur, & torquem auream habebit in collo.* In Græca ista : *καὶ ὁ μανιάκης ὁ χρυσεὺς ἐπὶ τὸν τορῆχλον αὐτοῦ.* Quibus in verbis apparet ex collatione Iosephi articulum appositum significare torquem certum, nempe eum, qui dono dari à Rege consuevit. At is similis Regio, ut Iosephus ostendit. Habuerunt ergo suos certosque torques reges Assyriorum. Ab his acceperunt Medi, nisi quod diversa nonnihil essent forma, magisque similia iis, quæ apud Ægyptios usurpabantur. Curopalates: *Ad collum pendebant de lineis dicta pilaticia, ea sunt opus e margaritis cum fimbria, in longitudinem minus spitama, in latitudinem autem palmo, quæ Rex Medorum gestabat.* Transiit postea res ad Persas. Apud hos enim proprium primariumque gestamen regum fuisse verbis expressis testatur Cornelius Nepos, vita Datamis, cap. 3, ubi de Thyo, qui statuerat regnum Persicum invadere : *Postero die (Datames) Thyum, hominem maximi corporis, terribilique facie, quod & niger, & capillo longo barbaque erat proluxa, optima veste contextit, quam satrapæ regii gerere consueverant : ornavit etiam torque, atque armillis aureis, ceteroque regio cultu.* Regio cultu inquit, ut scias solennem cum Regibus Persarum fuisse. Et factum institutumque id à Datame, ut ornatu isto cœpta Thyi conatusque argueret, quod observatum in hoc crimine veteribus videtur. Ita enim post nonnullos alios Clemens quidam, qui se Daniæ regem fecerat, à Rantzovio corona plumbea ornatus sublatusque in crucem est, teste Beutero vita Ranzovii. Christus ipse purpura & corona exagitatus est. Vnde illud Barlæi.

Spinea regalem tibi cingit adorea frontem.

Torques ergo, ut unde digressus sum, eo revertar, solenne Regum apud Persas insigne, quod miror à diligentissimo Brissonio in opere de Regno Persico prætermisum esse. Iosephus lib. xi. cap. 6, de Mardocheo, qui sub Artaxerxe vixit : *Ενδύεται τὴν πορφυρέαν, καὶ ὁ βασιλεὺς αἰεὶ φορεῖν διέτελε, καὶ περιέβηται τὸ χρυσεύχηνον.* induitur purpura, qua rex perpetuo solet uti, torques quoque collo ejus circumdatur, nempe quali rex solebat uti, quod ex præcedentibus repetendum est. Author versionis veteris libelli de vita Esther, pro torque scribit coronam, quod notandum.

dum. Ita enim cap. 6. in consilio Hainmanis, qui honorem cum, inscius tamen, Mardocheo conciliabat: *debet indui vestibus regis, & accipere regium diadema super caput suum.* Et post cap. 8, de Mardocheo: *fulgebat vestibus regis, coronam auream pertinus in capite.* Puto hoc ortum ex generaliori vocis Hebraicæ (nam Græci prorsus omiserunt) significatione: prave tamen redditum ab Interpretibus, cum non coronas dare bene meritis, sed torques consueverint Persæ. Sane coronæ vocabulum in hoc loco etiam Castilio servavit, & *coronare* de torquibus reperitur apud classicos autores. Nævius.

Collum marmoreum torquis gemmata coronat.

Vnde quis & ibi torquem significare existimet Porro torques etiam Cæsarum gestamen fuit apud Romanos. Observamus ex antiquis eorum nummis apud Stradam, & nominatim Firmi Cæsaris, Maximiani, Iustliniani, Constantini, & aliorum. Cuius palates quoque inter instrumenta ornatus Imperatorii commemorat. Quanquam ab initio non usurparint. unde & in Heligabalo Herodianus reprehendit, cap. 5. quod spreto Romano aut Græco habitu incedere sit solitus *ᾠδιδραίοις τε καὶ ψευδαίοις κατὰ μὲν ἄνδρα*, torquibus & armillis redimitus. Nisi forte non tam torques, quam monilia intelligat, quomodo & Politianus reddit. Sane monilia magis ad scæminas pertinebant; reprehenditur autem hic ornatus in eo, ut muliebris. Ita namque idem paulo post: Indignabantur cernentes *ᾠδιδραίοις ἢ χερσίνοις ἐδῆσιν τε ἀπὸ λαῖς ἀνδρῶς κατὰ μὲν ἄνδρα*, monilibus molliissimoque vestitu haudquaquam viriliter ornatum. Quicquid sit, ne torques quidem primis temporibus usurpasse certum: cum earum plane nullam nec Poetæ, nec Historici in eis faciant mentionem. Illud invenimus, quod cum coronandi aliquando essent, nec ad manus haberetur diadema aliud, per festinationem in aliquibus adhibitæ sint torques. Ammianus Marcellinus lib. x x. *Maurus nomine quidam, postea Comes, tunc hastatus abstractum sibi torquem, quo ut draconarius utebatur, capiti Iuliani imposuit.* Alius Marcellinus Comes in Chronico, & ex eo Iornandes de Succes. Reg. in Iust. *Hypatium torque aureo redimitum pro diademate, locaque Imperatoris jam capientem interfecit.* Ammianus iterum l. xxix. *Tigavias venire jusserat cum Tribunis, è quibus unus torquem pro diademate capiti imposuit Firmi.* Sidonius Apollinaris Carm. vii. ver. 574.

*Aggere composito statunt, ac torque coronant
Castrensi mæstum, donantque insignia regni.*

Intelligas ex his locis, per tumultum tantum, & in castris hoc fuisse receptum. Alias nullus in Imperatoribus torquium usus, vel inter insignia eorum locus. De Iustino primum omnium memorat Corippus lib. 11.

*Armati manibus sacrati circulus auri
Impositus collo, imperium sublime dicavit,
Quod faciens ter, ter dextram cum munere tendens
Augusti, Iustine, locum tibi consero dixit.*

Ante hunc Iustinum nihil istiusmodi de torque lectum est, vel circulo, ut Corippus vocat. Cum quo consentio, & circulos potius, quam torques proprie sic dictos ad hanc rem usurpasse puto. Nam cum lati sint, & solidi, utriusque rei vicem obire potuerunt, & torquis in collo, & diadematis in capite, cum præsertim diademata quoque apud veteres solida fuerint & lata, ut in Commentario de Veteri Vpsalia prolixè ostendimus. Apud Gallos quoque Regum fuisse gestamen non dubito, cum se vulgo sic ornaverint. Et exhibetur eorum alicujus effigies à Lazio cum torque, libro de Migr. Gent. Propertius expresse de Viridomaro, Rege duceque Gal-
lorum

Torquis ab incisa decidit unca gula.

Non aliud obtinuit apud Germanos Britannosque. De Britannis Dio lib. LXI. ubi de Bunduica regia stirpe orta, plebemque concitante aduersus Romanos: *καὶ σπέντον μέγαν χρυσοῦν ἐφ' ὀφρ.* ferebat & magnum torque aureum. De Suecis & Danis ex Olao colligitur & Saxone, verba alio loco adferemus. Et hi quidem primi, qui torques usurparunt. Ab his concessi sunt & aliis: ut primum apud Aegyptios Iudicibus, quorum insigne torque cum bulla, cujus nomen erat veritas, Diodorum memorare supra vidimus. Et innuit Tertullianus lib. de Idol. cap. 18, quando ait: *Purpura illa, & aurum, cervicis ornamentum, eodem modo apud Aegyptios & Babilonios insignia erant dignitatis, quo modo nunc prætexta, vel trabea, vel palmata, & coronæ aureæ.* Habuerunt & Medorum iudices. Curopalates in Off. Const. p. m. 106. *Ad collum autem iudicum pendebant de lineis duo*
quedam

quædam dicta pilatica , • a sunt opus è margaritis cum fimbria in longitudinem minus spithama , in latitudinem autem palmo , quæ Rex Medorum gestabat , similiterque iudices. Est hæc Pacii interpretatio , qui & in notis Græcum *πλάτεια* exponit disquisitionis & accuratissimæ cognitionis monimentum , quam à iudice opus est adhiberi antequam iudicet , aut ferat sententiam : quia Pileata Orientalibus est rerum ignotarum & obscurarum disquisitio & pervestigatio. Conveniunt hæc plane cum iis , quæ de Aegyptiorum Aletheia disservimus. Itaque & *σπείρια* illa , quæ Pacius lineas exponit , de torquibus accipienda putamus. Cum præsertim constet primores Medorum torquibus fuisse usos. Persæ torquibus honorabant suos Immortales ; Eo enim velut solenni gestamine insigniri consuevisse alio loco demonstrabitur. Apud Romanos torque , velut nota dignitatis ac officii , utebantur Duces militares. Curopalatas : *ἐφόρου πύλας αἰ σπερτηγῆς σπερπὶ τῶν πύλων τῶν ἐδῶλιν*. Gestabant quondam duces torques , quæ honorem ipsorum demonstrabant. Sic de Tribuno quodam Ammianus Marcellinus lib. xxi. cap. 26. Tigavias venire iusserat cum Tribunus , è quibus unus torquem pro diademate capiti imposuit Firmi. Imponit torquem suum Tribunus , ex quo gestasse apparet. Nisi quis dono accepisse putet eum , cuius meminit Marcellinus. Ut sit , Draconarii seu vexilliferi solenniter habuerunt. Marcellinus iterum lib. xx. Maurus nomine quidam , postea Comes , tunc hastatus abstractum sibi torquem , quo ut draconarius utebatur , capiti Iuliani imposuit. Observe , quod addit : quo , ut draconarius utebatur. Inde enim patet , solennem eum fuisse draconariorum ornatum. Paulus VVarnefridi , quem vulgo Diaconum appellant lib. xi. eandem rem describens : Cumque corona deesset imperialis , unus signa portantium torquem quem habebat in collo • suuens , Iuliani capiti circumposuit. Hinc apud Prudentium Hemetrio & Cheledonio , qui ambo draconarii fuerunt , cum ducerentur ad supplicium , torques exuuntur. Versus ejus sunt in Peristephano , quos deinde adducemus. Torques quoque inter solennia Præsidum in provinciis gestamina fuerunt , si Pancirollo credimus. Is enim ita lib. i. Varior. cap. 10. *Præsides provinciarum præter alia ornamenta torque etiam aureo collum circumdabant.* Atque

hinc fortasse factum, ut & apud Germanos nostros indicium essent dignitatis Equestris. Conspiciuntur enim etiamnum paulo vetustiores Equitum imagines cum torquibus. Et quia potestatis dignitatisque alicujus certæ signum erant & nota, ideo qui potestate ista sua privabantur, exuere prius cogebantur torques. Cuius palates: *Tyranni primum auferebant zonam & torquem honoratis martyribus Christum confitentibus, postea dedebant eos tortoribus. Prudentius eo loco, quem superius nominavi.*

*Ite signorum magistri
Et vos tribuni assistite
Aureos auferte torques.*

§. 9. Torques virtutis & fortitudinis.

Ostendimus hucusque, qui solenniter, ob rationem muneris aut dignitatis gestare torques sueverunt. Præter eos accipiebant aliquando & alii. Ac primum quidem omnium viri sapientia præstantes; utilesque reipublicæ consilio. Tales enim antiquissimis temporibus torquibus ornari solitos docuerit exemplum Iosephi, vel si vulgatam interpretationem rejicimus, dictum regis Salomonis, quod est cap. 1. Prov §. 8. *Audi fili mi disciplinam patris tui, & ne dimittas legem matris tue ut addatur gratia capiti tuo, & torques collo tuo.* Ostendit sane clarissime, ob sapientiam torquibus ornari suevisse. Vnde & Castalio locum hunc sic reddidit: *Nam ea (disciplina seu Sapientia) capiti tuo gratiam, colloque torquem præstabit.* Vulgata Græca. *σεφαιον γὰρ καὶ τῶν δεξτῶν καὶ χρυσῶν, καὶ κλοιὸν χρυσοῦν ὡς τὸ τετραχίλων.* Nec impedit, si quis filio hæc scripta dicat, adeoque Regi futuro. Nam & regibus ipsis non tam ob dignitatem, quam ob sapientiam, qua sibi dignitatem illam primi compararunt, torques fuisse in usu demonstratur. Scilicet quæ coronarum, ea quoque torquium est ratio. ergo sicuti coronæ perfectionem quandam denotabant veteribus, ut ostendimus in Notis ad Ælianum, ita plane & torques. Qui ergo singularis absolutæque erant sapientiæ, vel ipsi fiebant Reges, vel alius, cum Reges essent, torques donabant. Hinc illud apud Assyrios regis Balsasari edictum Daniel. cap. 5. *Quicumque legerit scripturam hanc, & interpretationem ejus manifestam fecerit, purpura vestietur, & torquem aureum habebit*

in collo. Et illi simile promissum Darii apud Iosephum lib. x r. Ant. cap. 4, de quo ita Autor : *Darius post brevem in lecto quietem à somno relictus, nec valens redormiscere, cepit fabulari cum tribus satellitibus, & qui proponendam à se quaestionem verius ac prudentius solverit, ei premium fore promisit usum purpure, & aurei poculi & tiaræ byssinæ & torquis aureæ.* Est ejusdem generis, quod apud Aegyptios Iudices solenniter habuerunt torques, ut superius monstratum est. Nimirum & ipsos sapientia virtuteque eximios esse, reliquosque præstare oportet. Nec aliam ob causam apud Iudæos opinor gestasse Sacerdotes. In torque enim seu catena aurea ut apud Aegyptios Sapphirus gemma, sic apud illos rationale suspensum fuit. Moyses Exod. xxv i i i. ver. 22. *Facies in rationali catenas sibi invicem coherentes ex auro purissimo, & duos annulos aureos, quos pones in utraque rationalis summitate, catenasque aureas junges annulis, qui sunt in marginibus ejus &c.* Videntur ad exemplum hoc, ex eadem certe causa usurpasse etiam sacerdotes Gallorum Germanorumque, quos Druides appellaverunt. Strabo lib. i v, de ipsis : *χρυσάφοροι τε τὸ πρὸς μὲν τοῖς τετραγύλοις περὶ τὸ ἔχοντες.* gestant enim aureos circum colla torques. Convenit, quod sicut Aegyptii sapphirum, Iudæi rationale, sic illi anguinum in eis haberent suspensum, de quo multa dicimus in Veteri Vpsalia, nemini adhuc observata. Post Sacerdotes virosque sapientes potissimum viri bello strenui ac militares torques meruerunt apud veteres. Apud Persas sancita honoravit Mithridatem Artaxerxes, quod stratum equi, quo Cyrus ab ipso interfectus, usus fuerat, ad ipsum attulisset. Ita enim Sparamixe ad Mithridatem apud Plutarchum vita Artaxerxis: *ὡς καλὴν ἔδιδόναι τῷ τῷ τῷ, Μιθριδάτης, ὁ βασιλεὺς δέδωκε, καὶ δὲ ὃ πρὸς τὸν καὶ ψέλλα.* *Ut elegantem hanc tibi vestem, Mithridates, Rex donavit, & elegantes torques & armillas.* Apud eosdem integra cohors eorum, qui Immortales dicebantur, sic erat ornata. Curtius libro i i i. cap. 3. *Persæ immortales vocant ad decem millia, cultus opulentiae barbaræ non alios magis honestabat.* Illi aureos torques, illi vestem auro distinctam habebant. Sollicitat hunc locum vir doctissimus Henricus Ernstius in notis ad Valerium Grammaticum, proque aureis torques, autem ex Codice Mediceo scribendum putat. Sed haud dubie vitiosus est is Codex. Nam & Herodotus in respectu ad eos torques lib. vi i. *χωρὶς ὃ χρυσὸν τε*

πολλὰν καὶ ἄφθονον ἔχοντες ἐνέπρεπον, de istis Persarum Immortalibus. Hoc est : præterea auro multo & copioso erant conspicui. Frustra est, qui ad vestes solas referre volet, cum τὰ χρυσὴν sic sæpe Græci absolute, pro torquibus utantur, quomodo & χρυσοφορεῖν, de iis, qui torques gestant, usurpare notum est. Itaque & eo ipso loco Herodotos: κρέσμεν ὃ πλείων παρεῖχοντο διὰ πάντων Περσῶν, καὶ αὐτοὶ αἰετοὶ ἔσαν. Quæ sane verba nemo ad vestes solas retulerit, cum Persarum ornatus præcipue constiterit in torquibus. Præcipuo, ait, inter omnes cultu erant decori, & iidem præstantissimi omnium. Observa, quod αἰετοὶ i. e. optimos fortissimosque vocet. Apparet enim, id quod dixi, torques fortium virorum fuisse præmium. Diodorus Siculus lib. xi. περιέπεσε τὰς τῶν Περσῶν ἐπιλέκτους, ὀνομαζομένους Ἀθανάτους, καὶ δοκούντας τοῖς ἀνδραγαθίας περιττοῦν τῶν συστρεφόμενων. Idem observatum apud gentes alias, præcipue Romanos. Ambros. in Inst. Virginis. cap. 14. Victores solent secularium præliorum, strenuorum virorum donatis torquibus honorare cervices. Ad Romanos respicit, quibus hoc in usu fuit. Vnde inter solennia præmia, quibus apud eos virtus honoratur, apud Tacitum Annali 11. cap. 9. Flavius torquem memorat. Aurea stipendia, torquem & coronam, aliaque militaria dona. Suetonius in Augusto c. dona militaria aliquanto facilius phaleras & torques dabat. Extat quoque pulchra apud Gruterum inscriptio, quæ torquem virtutis causa datam expresse confirmat.

M. LICINIO. MUCIANO. . .

. . . DONIS. DONATO. . . ob vir

TVTEM. ET. FORTITVDINEM.

BELLO. DACICO. AB. IMP. TRAIANO.

CORONA. VICTRICI. PVRA. HASTA. TOR-

QVIBVS. ARMILLIS. PHALERIS.

Pertinebant autem ad omnes, qui se fortiter gessissent in prælio extra ordinem, & peculiari se ostentassent virtute. Ita legimus de pedite apud Tacitum Annal. 111. cap. 21. Rufus Helvius gregarius miles, donatus est ab Apronio torquibus & hasta. In Inscriptione veteri apud Gruterum pag. 1096.

L. LEPIDO. L. F. AN.

PROCVLO.

MIL. LEG. V. MACEDON.

.....

DONIS. DONATO. AB. IMP.

VESPASIANO. AVG.

BELLO. IYDAICO. TORQVIB.

Peditem fuisse necesse est, quia erat Legionarius. non enim Legio, nisi peditum. De equite testimonium est in alia Inscriptione apud Smetium p. 52.

C. ARRIO. C.F. COR. CLEMENTI.

MIL. IX. COH. PR.

EQVITI. COH. EIVSDEM. DONIS.

DONAT. AB. IMP. HAD.

TORQVIBVS. ARMILLIS. PHALE-

RIS. OB. BEL. DACICVM.

Confirmat & quæ à Grutero adfertur, pag. 443. Nec milites solum, sed & præfecti eorum ita honorati. De tribuno Probo Vopiseus: *Bello Sarmatico jam tribunus cum multa fortiter secisset, publice in concione donatus est armillis aureis duabus, torque aureo uno.* De Claudiano, tribuno adhuc legionis Quintæ, Pollio ex litteris Valeriani, ad Procuratorem Syriæ: *Huic salarium dabis, torquem libralem unum, cassidem inauratam unam &c.* De Præfecto turmæ Equestris Hirtius de bell. Hisp. cap. 26. *Cæsar ob virtutem iurme Cassianæ Præfecto donavit torques aureos duos.* Meminit generatim etiam Vegetius lib. 11. cap. 7, ubi à torquibus illis cognomentum meruisse, ac T O R Q U A T O S dictos esse ostendit. *Torquati*, ait, *duplares, torquati simplares*, quibus torques aureus solidus virtutis præmium fuit: quem qui meruisset, præter laudem interdum duplices consequebatur annonas duplares duas, simplares unam. Sensus est, torquatos duplares duas, id est duplas consecutas annonas, simplares unam. Peccat Pierius, quando ex hoc ipso Vegetii loco scribit lib. x11. Hierog. cap. 31. *torquem aureum solidæ virtutis præmium fuisse traditum est à Vegetio, quem qui meruisset, præter laudem duplas consequebatur annonas.* Non perpetuum hoc fuit, sed in melioribus tantum observatum,

vatum. Igitur nec in Inscriptionibus antiquis, ubi torquium ibi statim mentio fit duplicis annonæ. Imo in unica tantum ob servamus apud Grut. p. 357.

C. ANTONIO. C. F. FLAVINO. VI.
VIRO. IVN.

HAST. LEG. II. AVG. TORQ.

AVR. ET. AN. DVPL. OB. VIRT.
DONATO.

Deinde & in eo peccat, quod virtutis solidæ hoc asserat fuisse præmium. Nec enim de virtute solida, sed torque aureo solido sermonem apud Vegetium esse manifestum. Hi ergo milites torquati. Vnde Calvinus: *Torquati milites, quibus torques virtutis præmium fuit.* Porro torquibus viros bello strenuos donandi consuetudo etiam apud gentem Germanorum valuit, maxime in Equitibus, quos strenuos fortesque torquibus ornari solitos præscis temporibus res nota est. Regula ordinandi militem Sancti Sepulchri (Qui militum ordo antiquissimus putatur) apud Mennenium in Equest. Ordi. Symb. *Deinde osculetur eundem, ponens more majorum torque aureum cum cruce pendente in collo ejus.* Ait, *more majorum*, ut vetustissimam sciamus fuisse consuetudinem in creandis Equitibus. Et confirmant veteres imagines, galeæque in insignibus equitum antiquissimæ cum torquibus. Conspicitur hodieque Rudolphus equo insidens cum torque in admirandi operis templo apud Argentoratenses meos. Statua ea anno MCCXCI, id est ante annos trecentos quinquaginta facta est, ut Schadæus peculiari libello de eo opere testatur. Hinc in lexico Calvinus, loco quem superius adduxi: *Torquatos puto recte appellaveris, qui ab Imperatoribus virtute meruerunt jus militare. Germani tales Ritter, Itali equites auratos appellant: forte quod olim equites splendidi episteto insignivit Hirtius, nimirum ab auri fulgore & virtutibus. Cecidere, inquit, eo prælio splendidi ac illustres viri nonnulli Equites Romani. Quem secutus in Historia Tacitus Illustres Equites pariter appellavit teste Catanæo.* Vides, ut ipse quoque in genere Equitibus asserat torques datas, hincque torquatos appellatos putet, item auratos. Quanquam aurati Mennio dicantur non à torque aureo, sed aureis calcaribus. Hi, ait ab initio dicti opusculi, *sive milites sive Equites appellare libet, Auratorum nomen hodie, ab auri præcinctura, vel auratis calcaribus invenire.*

vere. Porro sicut veteres honore torquium afficiebant, qui se
trenue gessissent in militia contra hostes, ita & illos, qui id
ipsum fecissent in ludis militaribus. Itaque hoc sine propositis
inter cætera præmia etiam torques à ducibus observamus. Ca-
pitolinus in Maximinis: *Severus militares dabit ludos, propositis
præmiis argenteis, id est, armillis, torquibus, & balteolis.* Observa
torques hic datos sed argenteos. An quia cives fuere, quibus isti
ludi dati? Civibus enim torques argenteos donari solitos Pli-
nius testatur lib. xxxiii. cap. ii. *Auxiliares & externos torqui-
bus aureis donare, at cives non nisi argenteis.* Falli Plinium hoc
loco putat Lipsius de Mil. lib. v. cum scitem Asprenati torques
aureus donatus legatur ab Augusto. Sed forte ad vetustiora tem-
pora Plinius respexit, quibus hoc blandimento magis devincire
sibi auxiliares volebant. Itaque sequitur: *Idem, quod magis mi-
remur, coronas ex auro dedere civibus.* De institutis veterum cum
loqui manifestum est. Legimus tamen & Sicinnium aureis tor-
quibus donatum apud Dionysium Halicarn. lib. x. *πρὸς Ἰάντῳις,*
ait, *ὃν δόνηνται μὲν καὶ τρεῖς χρυσεὺς σπειτρεὺς ἀσπαραχέας.* Vixit is
Dentatus Sicinnius haud multo post exactos reges, uti ille ipse
Plinius testatur. Nisi forte Dionysium generalior vox torquium
decepit, & is alios quam aureos ignoravit. Constante enim La-
tini omnes tot torques simpliciter, non tot aureos torques acce-
pisse memorant, quod observandum. Sane torques aureos anti-
quioribus temporibus datos adhuc quæro in Scriptoribus, nec
usquam invenio. Nam quod est apud Silium lib. xv.

Hic torque aurato circumdat bellica colla.

Id non expresse de cive dictum. Quicquid sit, torques non
aurei, sed argentei in ludis militaribus solenniter propositi vi-
dentur. Itaque velut singulare in Maximino notatur, quod ob
raram in eis virtutem ab Imperatore donatus fuerit torque au-
reo. Prædictus Auctor: *Ille more solito septem fortissimos uno sudo-
re vicit, solusque omnium à Severo post argentea præmia, torque aureo
donatus est.* Nec forte alio referendum Asprenatis Exemplum,
de quo Suetonius in Aug. cap. 43. *In hoc ludicro C. Nonium A-
sprenatem lapsu debilitatum, aureo torque donavit.* Casaubonus in
universum hic non torques, sed galeas & hastilia donata ait,
*In solatium debilitatis, inquit, bonos hic eximius Nonio habitus; nam
cæteri pueri qui Trojam luserant galeis hastilibusque, talibusque solum
præmiis*

premiis affecti. Bæbius Macer : Cæsar Augustus pueris qui luserant Trojam donavit galeas & bina bastilia. Sed Bæbius de ludo tantum temporis istius loquitur , præterea torques non excludit. Etiam illud aureo apud Suetonium nescio quid expressioris significationis , quasi alios quoque torques , sed non aurei dari consueverint , in se continere videtur. Certe torques , etsi non aureos fortasse datos in ejusmodi ludis observamus etiam ex Sidonio Car. xxvi i i. vers. 425 , ubi de quodam optime se gerente in curriculo quadrigarum , sed ferocia equorum currusque dehiscens ruina in summum vitæ periculum adducto , postquam multa de ipsius casu , ita postremo claudit :

Hic mox præcipit equus Imperator

Palmis serica, torquibus coronas

Conjungi , & meritum remunerari.

Imperator quem hic innuit , Valentinianus est , ejus saltem temporibus ea consuetudo fuit. Ideo enim conjungi torquibus coronas jubet , quia torques ut solitum præmium insolitam virtutem non satis æquabant. Similiter & luctantibus interdum torques dati. Trebelius in Claudio : *Fecerat hoc etiam adolescens in militia , quum ludicro Martiali in campo luctamen inter fortissimos quosque monstraret. Nam iratus ei , qui non balteum , sed genitalia sibi contorserat , omnes dentes uno pugno excussit. Quæ res indulgentiam meruit , pudore vindictæ : Siquidem tunc Decius Imperator , quo præsentem fuerat perpetratum , & virtutem & verecundiam Claudii publice prædicavit , donarumque armillis & torquibus à militum congressibus facessere præcepit , ne quid atrocius , quam luctamen exigit , faceret. A militibus etiam ad gladiatores pervenisse torques videntur. Gladiatoriarum sane torquum mentionem facit Capirolinus , quos nescio an alios , quam hos vel ex argento vel auro , virtutis causa dari solitos intelligere debeamus. Sic autem verba ejus sese habent , ubi de rebus Commodi : toga armaque gladiatoria gemmis auroque composita , & machæras Herculeas , & torques gladiatorios , vasque eluto auro , ebore , argento citroque composita. Sane cum hic inter machæras , arma , aliæque id genus gladiatoria instrumenta referantur , cogitandum num non quid ejusmodi hinc innuatur. Forte laqueus , vel*
quid

quid aliud ex fune, quo adversarium capiebant. Nam alias inter gladiatorum præmia torquem legere non recorder, neque Lipsio in diligenti Saturnaliorum opere notatus est. Cæterum nec hic Romani soli virtutem militarem in ludicris honorare torque consuevere. Fecerunt enim & Sueci. Testatur exemplum Arsi Regis, qui Rolsonis virtutem tali munere prosecutus est. Saxo lib. 11. *Exiguntur hinc animositatis, inde munificentie pacta, proutque Roluo virtutis experimentum edere jubetur. Qui cum igni applicaretur, parvulam parti, quæ acrius urgebatur, objecit &c. Roluo patientiæ consummatione laudatur. Posthæc Arsi munera requiruntur. Ferunt illum collatis in privignum opibus ad ultimum ingentis ponderis torquem, quo donum cumulatus redderet, expendisse.* Post fortitudinem in bello, dexteritatem in ludis militaribus, animositatem, patientiam, fides quoque colli torque suevit apud veteres. Exemplum Mardochei docet apud Autorem vitæ Esther: qui quoniam factam contra Artaxerxem detexisset conjurationem, hinc ab eo cum aliis, muneribus, tum torque aureo donatus est. Servavit & Frotho 111. Daniæ Rex in Gotuara, teste Saxone lib. v. *Cum enim in legationem, requirerem summam fidem, eam mississet, aureo torque prolato, legationis præmium pollicetur, sicut Saxo loquitur. Eandem ob causam Medicis olim datæ ac Historicis videri possunt. Alludit sane eo, quanquam alia non nihil mente, Lucianus lib. de Consc. Hist. ubi ait: ἡ φοβεῖται Ἀρξίξῆς ἐξ ἑλπίδος, ἡ ἀντὶ τοῦ αὐτοῦ ὡς, ἡ ἐλπίς ἔστι καὶ δὴν πορφυρῶν, & σπεπτόν χρυσῶν, καὶ ἵππον τῶν Νισσῶν λίψας, μεθὸν τῶν ἐν τῇ γογγύῃ ἐπαύων.* Si vel Artaxerxem metuit, medicus ejus existens, vel sperat Candyn purpuream, & torquem aureum, & equum ex Niseis illis aliquem se accepturum, mercedem laudum earum, quas scriptis inserit, scribere verum in Historia non poterit. Datas utique his talibus torques ostendit. Quanquam forte magis amicitiae ac honoris causa sæpius quam fidei. Quod & in aliis observatum, præsertim gentibus vicinis. Sic apud Tacitum mittuntur Germanis lib. de M. G. cap. 15. Gaudent præcipue finitimarum gentium donis, quæ non modo à singulis, sed publice mittuntur: electi equi, magna arma, phaleræ torquesque. Ex eadem causa Romani miserunt Gallis, de quo Livius lib. XLIV. cap. 14. & Galli Augusto, de quo Fabius l. v. c. 4. Sed & legatis vicinarum gentium ex hac causa dono datæ apud veteres, quæ consuetudo hodie-

hodieque fere obtinet per Europam. Persis etiam solennis fuit Ælianus noster lib. 1. cap. 22: *Munera, quæ Rex dono dabat, venientibus ad se legatis, sive ii ex Græcia, sive aliunde advenissent, hæerant: unicuique Talentum Babylonicum argenti præstantissimi, præterea phialæ duæ argenteæ, quarum quæque talenti precium habebat. Conficit autem talentum Babilonicum septuaginta duas minas Atticæ. Item armillas & acinacem dabat, & torquem.* Sic hunc locum exponendum dixi in Notis. Ad torques amicitia causa dari solitas etiam sponsalitiæ sunt referendæ, de quibus ante differuimus. Hinc S. Agnetis in Martyrio incerti, quod legitur apud Barthium lib. xxxi. Adv. cap. 13.

Hic mea ditavit armillis brachia, pectus

Chrystallis, collum torque, decore genas.

Eadem apud B. Ambrosium in vita ejus: *Collum meum cinxit lapidibus pretiosis.* Loquitur ut virgo, Christo desponsata. Qualem iccirco B. Cyprianus abstinere vult à gestamine torquium, ne magis desponsata videatur mundo, quam Deo. Verba sunt de Hab. Virginum: *Ne inferant auribus vulnera, nec brachia includant aut colla de armillis & monilibus preciosa catena.* Sunt & eæ hujus generis, quæ fere ad filias perveniunt testamento matrum, quia & sponsalitiæ illæ, & amoris erga natas indices. Ministratur exemplum hujusmodi legati à Scævola in l. 16. ff. de auro, argento. Vbi mater: *ornamenta mea omnia filia mea referentur.* Ornamentorum enim voce torques & monilia comprehendendi Paulus docet l. 32. §. 7. ejusdem tituli. Apud Anglos solenne, legibusque statutum videtur, ut ad filias, non filios hæc pervenirent. Leges Anglorum & Verinorum Tit. vi. §. 6. *Mater moriens filio terram, mancipia, pecuniam dimittat, filia vero spolia colli, id est murenas, nuscas, monilia &c.*

§. 10. Torques ostentationis & luxuriæ.

AB usu & honore facilis est transitus ad superbiam & abusum. Itaque cum torques signum essent dignitatis ab initio, ac virtutis, paulo post promiscue usurpari sueverunt, etiam à mulieribus. Peccat enim Isidorus, quando lib. 1 x. cap. 31. proprium virorum gestamen torques fuisse ait. *Torques, inquit, & bulle à viris geruntur, à feminis vero monilia & catellæ.* De catel-

s sane affirmat Horatius 1. Epist. 17, ibi enim de muliere usurpat

Nota refert meretricis acumina, saepe catellam,

Saepe periscelidem raptam sibi flentis —

Ornamentum colli, non canem Meliteam; ut Xylander mavult, sic intelligi, additum de periscelide confirmat. Vnde & Inscriptiones quaedam inter alia ancillarum & libertarum vocabula nemorant A C U R A C A T E L L A E aliquas. Easdem tamen catellas inter dona militaria refert Livius, ut superius indicatum est. Quemadmodum monilia Ammianus Marcellinus l. xxi i. i. ibi de Persis: *Armillis monilibusque aureis & gemmeis utuntur.* Item facit & Ovidius, ut ex praecedentibus constare potest. Contra torques usurpavit in mulieribus Interpres vetus Bibliorum. Ezechiel. xv i. ver. 11. *Ornavi te ornamento, & dedi armillas in manibus tuis, & torquem circa collum tuum.* Christi verba sunt ad Ecclesiam. Frequentius tamen monilia in mulieribus eguntur, credo, quod aurum simplex haud sufficeret earum luxui, sed addendae gemmae essent. Talia enim proprie monilia. Medea exprimitur apud Senecam Act. 111. sc. ult.

— gemmis est, & auro textili

Monile fulgeas —

Apud Virgilium quoque lib. 1. A Encid.

— colloque monile

Baccatum circumdat Regina Dido, quod fortasse minus mirum in Regina, plus in cæteris. de quibus ob hanc causam Plinius lib. xxxi i. i. cap. 3. *Inserta margaritarum pondera è collo dominarum auro pendent, ut in summo quoque unionum conscientia adsit.* Insertas auro margaritas intelligit, quae dependent è monilibus ex uncinis. Non enim infixae tantum habebant isthaec talia, sed & pendula è monilibus circum circa, sicut observamus in effigie mulieris, quam ex Sarcophago Probi in Roma Subterranea exhibet Antonius Bosius. De insertis loquitur Paulus in lege 32. §. 2. ff. de Auro. *Putavit sibi legari & ornamenta & monilia, in quibus gemmae & margaritae insunt.* Nec alia lumina lapillorum, quibus monilia variantur, ut Tertullianus vocat cap. xi. de Hab. Mul. Puto & nudas habuisse gemmas in filo, ad instar margaritarum, quas lineas appellant, loco monilium. Easque intelligi à Juvenale Sat. vi.

Quum

Quum virides gemmas collo circumdedit.

An & à Claudiano ? quando in Ruffinum :

— cuicumque monile

Contextum gemmis —

Corallia sane vix aliter gestarint, quæ Seneca *monile* vocat *pelagi rubentis*, Herc. Oct. hoc est Indici Oceani, seu Maris Erythræi ut in libris de Militia Navali demonstratum est. Alia insertarum gemmarum fuit ratio, quippe quæ nude quidem & ipsæ, verum libere dependebant à molinibus aureis, ut dixi. Sicut hoc ipsum observatum est in mamillarum ornamentis, de quibus Paulus in sæpe dicta lege 32. *legavit quedam ornamentum mamillarum ex cylindris triginta quatuor, & tympanis margaritis triginta quatuor.* Cylindri hic smatagdi sunt vel gemmæ aliæ, pendulæ ex auro in quo inclusæ illæ margaritæ extabant. Et hoc ornamentum, ob quod Messalina, scortum nobile apud Iuvenalem Sat. VI.

— nuda papillis

Constitit auratis —

Non aliæ auratæ papillæ, quam ornamento istiusmodi mamillarum, cujus Paulus mentionem facit, decoratæ, quoniam ut monile, ex auro gemmisque fuit. Monile tamen aliquando legitur ex solo auro, quomodo *aurata monilia* ex hac causa Ovidium dixisse alias monstratum est. Et hoc forte genus antiquissimum, sique Tertulliano credimus, ab ipsis Angelis hominum, cum primis sceminarum corruptoribus primitus excogitatum. Ita enim Vir Sanctus lib. de Habitu Mulier. Illi, qui ea constituerunt, damnati in pœnam mortis deputantur: illi scilicet Angeli, qui ad filias hominum de cælo ruerunt, ut hæc quoque ignominia sceminae accedat. Nam cum & materias quasdam bene occultas, & artes plerasque non bene revelatas, seculo multo magis imperito prodidissent, siquidem & metallorum opera nudaverant, & herbarum ingenia traduxerunt, proprie & quasi peculiariter sceminis instrumentum illud mulieris gloriæ contulerunt: lumina lapillorum, quibus monilia variantur. Lapillorum quidem & ipse mentionem facit, sed ut magis respiciat ad aurum, cujus inventores esse contendit. Porro cum huiusmodi monilia fuerint, cur pretiosa dicantur, in aperto est. Ambrosius lib. I. de Virg. *Pretiosa pendent collo monilia.* Nec vulgariter pretiosa fuere. Tertullianus enim dicto loco de

is : *Saltus & insulas tenera cervix fert.* Itaque nec mirum , si in-
er forinæ lenocinia adhibebantur. Manilius lib. v. de Cassio-
pœa.

*Hinc lenocinium formæ, cultusque repertus
Corporis, atque auro quæsitæ est gratia frontis
Perque caput ducti lapides, per colla, manusque.*

De his lenociniis accipio Tertulliani verba libro de Pallio ubi
ait de matronis : *Immundiorem cervicem monilibus consolantur.*
Nam quia formam commendabant, nulla sibi satis absque eis for-
miosa videbatur, imo una alteram nitebatur superare, hinc quo-
tidiana luxuriæ incrementa, de quibus Plinius lib. xxxi i. cap.
3. *Habent (aurum) scemine in armillis, digitisque totis, collo, auribus,*
spiris. discurrunt catenæ circa latera, & inserta margaritarum pondera
è collo dominarum auro pendent. Nec apud sceminas tantum hic lu-
xus mansit; transiit & ad viros, ut in Heliogabali exemplo supe-
rius ostensum est. Ab utrisque venit ad infantes, in quibus in-
sanire solent delicati parentes. Igitur & illi torquibus ornati, ta-
libus cumprimis, è quibus dependerent crepundia. Hesychius.
γυαίσματα, τὰ σικεμπήνενα τοῖς πύσιν ἔξω τῶν περδέραιων.
Duo in infantibus agnoscit & recenset ornamenta; primum
περδέραιον, id est monile seu torques ex auro, vel argento, vel
gemmis, coralliis, chrystallo, unde hodieque solet fieri. Deinde
ἔξωτὴ περδέραια, id est quod in extremo ejus appensum fuit,
γυαίσμα dictum, à Latinis *monimentum*, de quo ante vidimus.
Donatus ad Eunuchum Act. iv. sc. 6. *Monimenta sunt, quæ*
Græci dicunt γυαίσματα. Alias & *πάγνια* vocarunt, quæ pro-
pter hoc ipsum, quia è torque pendebant, ab Hesychio *δέραια*
vocantur. *δέραια*, inquit, *περδερχίλια, πάγνια.* Aristoteles in
Poetica *περδέραια* vocavit. Nec infantes solum, sed & pue-
ri puellæque adultiores suas in torquibus gestabant bullas. Plu-
tarchus in Sertorio : *τὰ χρυστὴ περδέραια, ἃ Ῥωμαῖοι βέλλας*
καλεῖσι, torques aureas, quas Romani bullas appellant. Non po-
tuisse *περδέραια* vocare, nisi in torquibus habuissent, ut
proinde Perottus verissime : *Bulla torques, è qua bulla propendet*
in pectus. Torques ornatus ostentationisque causa etiam adhi-
biti à Juvenibus, quos iccirco reprehendit Boetius lib. i. de
Discip. Scholar. cap. 2. *Gemmatæ, ait, colla monilibus, Parthorum-*
que cingulis ventrem castigatum plebi ostendunt. Quin imo ipsa ser-

vitia sic ornata, ut B. Ambrosius conqueritur lib. de Iejun. cap. 13. Ita enim de conviviorum ministris: *Succincti sunt auro, & Babylonicis lumbos suffulti Baltheis: aureis torquibus nitent colla &c.* Quare cum in omni sexu, ac fortuna, in maximis ac minimis hic luxus fuerit, quid mirum, si Deos ipsos sic colendos putarunt? De Ægyptiorum Diis supra testati sumus ex Pignorio. De Jiis Romanorum docet Livius lib. xxxi i i. cap. 22. *ex torquibus (Gallorum Bojorumque) unus magni ponderis in Capitolio Iovi donum positus.* Polyb. Hist. i i. *Capitolium exornavit signis militaribus & maniacis.* Varro de vita Pop. Rom. lib. 1. *Torques aureæ multæ relatæ Romam, atque consecratæ.* Similiter Catumandus simulachrum Deæ Massiliensium coluit. Iustinus lib. x l i i i. cap. 5. *torque aureo donata dea in perpetuum cum Massiliensibus amicitiam junxit.* Servarunt & Germani eam consuetudinem. Hinc Florus lib. i i. cap. 4. *Vovere de Romanorum militum prada Marti suo torquem.* Nec belli tantum prospere gesti causa hoc factitatum, sed sæpe ex privatis causis. Sic inscriptio vetus exstat, quæ Æsculapium ita honoratum ostendit. Proposita est inter alias à Grutero pag. 70.

DEO. ÆSCVLAPIO. VAL. SYMPHO-
RVS. ET. PROTIS.

SIGNVM. SOMNI. ÆREVM. TOR-
QVEM. AVREVM &c.

Similis huic est inscriptio alia, data nobis à Capaccio in Historia Neapolitana ex ædibus Octavii, Cæsaris Consiliarii.

EX. IVSSV. I. O. M.

HELIO. POLITANI. AVRELIO. THEO-
DORO. SACERDOTI.

FILIO. CVRATORI. TEMPLI.
CEREMELIENSIVM.

...A D. AMPLIANTES. DONIS.

...TORQVEM. ET. VELVM SAC.

§. II. Torques in qua parte corporis, & quando gestatæ.

Torques in solo gerebantur collo, à quo dependebant in pectus. Isidorus: *Torques sunt circuli aurei à collo ad pectus usque depen-*

dependentes. Petrus Mosellanus, vir haud contemnendæ eruditionis, in notis ad A. Gellium ait esse *colli ornamentum, & summi pectoris*, in quibus verbis illud *summi pectoris* notandum puto. Videtur enim non longe demissos, sed circa papillas & thoracis finem finitas credidisse. Et autorem habet verborum suorum vel ipsum Virgilium, qui sic lib. v.

— *it pectore summo*

Flexilis obtorti per collum it circulus auri.

Vides hic per *pectus* non simpliciter, sed *summum* definiri spacium, ad quod pertinebant. Qua in re diversæ torques à phaleris fuisse videntur. Sane & hæ ornarunt pectus, at non pectus summum. Silius Italicus lib. xv.

— *Phaleris hic pectora fulget*

Phaleræ non minus in pectore, quam torques: hæ tamen minus demissæ. Quo sensu verum esse potest, quod ait Lipsius lib. v. de Mil. Rom. Dial. 17. *Phaleræ demissæ ad pectus pendeant, torques stringebant magis & ambiebant ipsum collum.* Nam si collum arcte ambivisse torques putavit, errasse vel ex præcedentibus manifestum. Arcte ambire magis circulorum, & adhuc magis monilium fuit proprium. Quanquam inter phaleras torquesque & illa fuisse differentia videtur, quod cum torques ab utraque colli parte demitterentur in pectus, phaleræ demissæ essent tantum ab altera, & sub ala seu brachio, more balthei, clauderentur. Extant enim primo quædam in columna Trajani imagines, cum tali ornamento, quod phaleras fuisse puto. Deinde imitatur Liber Pater in sermo ex floribus, cujus effigies est in tabula marmorea Romæ, & cum ab aliis, tum à Luca Guarinoni eruditorum bono publicata, quam inter alia rariora Antiquitatum monumenta servo. Catenas quoque aureas, viri præsertim militares hodie sic gestant, gestaruntque olim geminæ ad imitationem forsan phalarum. Non enim aliter *discurrentes circa latera catenas* apud Plinium lib. xxviii. cap. 3. possum intelligere, quam de istiusmodi gestantatione, quam prædixi. Porro quoniam collum torques ambiebant, hinc à Græcis *περιδέραια* vocatæ sunt, quod et ante diximus. Quanquam apud Suidam observem non *περιδέραια*, sed *περιδέρ'ρ'αια* duplici litera scribi. *περιδέρ'ρ'αια, περιερχήλαια, ὅσμοια.* Nec hoc absque autoritate fieri putandum.

dum. Nam & Herodianus lib. v. *ᾠδὲρ ῥαῖοις τε καὶ ψαλλίαις ὑπομέμνηται*. Et nescio, an non sic sit scribendum. Origo enim alias vix convenit, quam facit autor Etimologici. *Περαιδέριον*, ait, *περιτραχήλιον ὕσμεται*. ἀπὸ δὲ δέριος Αἰολικῶς, ὁ σημαίνει τὸν τραχήλον. Si à δέριος deducendum nomen, utique *περαιδέριον* scribendum erit. Astamen subjungit ipse. ὁ δὲ ὅρμος *Μιλήπιον*, διὰ τῆς αἰ διφθόγης γράφει & δι' ἐνὸς ρ. ὡς μέλλον πείσθαι. Non intelligo, quo illud αἰ pertineat: est enim in *περαιδέριον* hæc diphtongus. Puto plane scripsisse *ᾠδὲρ ῥεον*, non *περαιδέριον*, qui à δέριος deducebant, sicque utrobique apud Suidam & Etymologicum scribi oportere. Quanquam & cum hoc posteriore faciam, vulgatamque scriptionem retinendam putem. Est enim *δέρη* vel *δέρης*, quod Latinis collum. Hesychius: *δέρη, τραπήλιον, αὐχὴν. δέρης, τραχήλιον*. Et hinc *περαιδέριον*, quia collum ambit. Xenoph. lib. i. *Habuerunt Medii περὶ τὴν δέρη, torques circa collum*. Non autem ambiebant tantum, sed & in anteriore parte propendebant in pectus, sicut dictum est. Hæc fortassis causa, cur & *ὑποδέρια* vocarentur, quasi succollaria quis diceret, quia sub collum dependebant. Etymol. *ὑποδέρια, περιτραχήλια*. Hesychius: *ὑποδέριον ὑποδείριον, & περιτραχήλιον*. Gestabant autem torques istas quædam gentes perpetuo, quædam certis tantum temporibus. De Persis non est dubium, quin semper gestaverint. Itaque & in bellis mentio earum apud Scriptores. Idem observamus in Armeniis. Nam apud Appianum Romani torques eorum calcant in prælio, in quo victus est Tigranes, lib. i. de bell. Mithr. Fuit & Gallorum ista consuetudo Germanorumque. Hinc apud Florum lib. i v. cap. i 2. legimus Drusum victorem, equos, pecora, torquesque Cheruscorum, Suevorum, & Sicambrorum divisisse. & apud Polybium Hist. i i. ex Gallis neminem in primis cohortibus sine maniacis aureis stare consuevisse. Sed, quod observandum est, in primis cohortibus, vel, ut ipse ait, τῶν ἐν πρώτοις κατέχοντες σπείρας, qui sine dubio, præstantissimi ac nobilissimi fuere. Apparet ergo, licet frequentem, non tamen promiscuum apud illos hunc cultum fuisse, quod & de reliquis gentibus credendum puto. Nemo, nisi qui aut ratione muneris debebat, aut ob virtutem promeruerat, torques gestabat. Solis forte ditioribus exceptis, quos fere transversos agit spectata vulgo divitiarum magnitudo, in

luxum

luxum omnem ac lasciviam contra ipsas quoque leges. Apud Romanos vero non gestasse puto. Monumenta certe nulla docent, nec in imaginibus vetustis apparent. Præterea singulari privilegio indultum legimus Torquato, ut gestare torquem ei jus esset, cujus privilegii ratio est nulla, si quicumque tandem meruissent torquem, gestare eam siveissent. Privilegium fuisse singulare Torquato posterisque ejus datum discimus ex Suetonio vita Caligulae cap. 35. *Vetera, inquit, familiarum insignia, nobilissimo cuique ademit: Torquato, torquem; Cincinnato, crinem.* Vides, ut insigne vocet, quod sine tali privilegio intelligi non potest. Itaque reliqui non gestarunt, nisi publicis in pompis, hoc est ludis, aut triumphis. Polybius expresse de omnibus hujusmodi donis: *Qui adepti sunt ejusmodi dona, præter gloriam in exercitu & domi etiam famam, cum redierint in patriam, ludos pompasque conspicui incunt; quoniam solis iis licet ornamenta hæc gestare & imponere, qui ab Imperatore virtutis causa, donati sunt.* Solis iis, ait, licuisse: ergo cæteris nillicuit hujusmodi in pompis, multo minus reliquis congressibus. Licuisse autem istis innuit Tacitus Hist. 11. cap. 89, ubi de ingressu Vitelli triumphi more adornato: *Militum phalææ torquesque splendebant.* Clarius Valerius lib. 111. cap. 2. in exemplo Siccii: *Novem triumphales Imperatorum currus secutus, totius civitatis oculos in se numerosa donerum pompa convertit. Præferebantur enim aureæ coronæ cæto, civicae xiv, Murales IIII, obsidionalis una, Torques CLXXXIII, Armilla CLX &c.* Observa, ne tum quidem, nisi forte unam aut alteram, gestasse, sed curasse sibi ab aliis anteferri, quod & Lipsi notatum est. Sed quid? Num & in bello & extra urbem fecere? Contrarium enim Vopiscus docere videtur, in litteris Aureliani, ubi Imperator: *Miles stipendium in baltheo, non in popina habeat. Torquem, brachialem, & annulum apponat.* Dicit apponat, quod Salmasius exponit, induat, quomodo contrario sensu ponere & deponere annulum usurpamus pro exuere. At vero nulla alia sunt monumenta, quæ hoc evincant aut doceant. Apud Tacitum profecto Annal. 11. cap. 9. Flavius Arminio fratri suo querenti de præmiis à Romanis acceptis *torquem & coronam* non demonstrat, sed memorat. Nec forte quævisisset Arminius, si ornatum iis conspexisset. Deinde Sertorius expresse apud Plutarchum: *τὸς ἄλλος ἐκ αἰτῆς τῆς μαρτυρίας τῶν ἀεισείων ἀεισέβειν, ἀλλὰ*

ἀποθεῖναι ἐπὶ τὰ δόγματα, ἐπὶ τὰς ἀνέρας. alios non perpetuo gestare vir-
 tutis suæ testimonia, sed deponere torques, hastas, coronas. quæ verba
 non magis de tempore pacis, quam belli, ipsorumque præliorum
 intelligenda videntur. Igitur magis est, ut de posita ad signum
 torque locum eum accipiam. Nam ad signa etiam aliàs pecunias
 & stipendii partem deponebant, veluti ad deos templumque, ut
 ostendit pluribus Vegetius lib. 11. c. 20. meminitque Suetonius
 in Domitiano cap. 3, ubi ait: *noluit quenquam plus, quam mille num-
 mos ad signa deponere.* Vt sic *opponere* apud Vopiscum sit *ponere ad
 signa*, sicut loquitur Vegetius, quando ait: *decem folles, hoc est, de-
 cem sicci per cohortes singulas ponebantur.* vel *deponere ad signa*, quo-
 modo Suetonius hoc effert. Sane vix credibile est, cum tam sol-
 liciti veteres fuerint de stipendio, neglexisse tam pretiosa dona.
 Itaque mea quidem Sententia ne in bello quidem gestabant,
 nisi cum reversi essent domum triumphantes. Id plane mirum,
 cur, cum neque foris, neque domi torques gestaverint Roma-
 ni, extra dictum tempus, phaleras gestare voluerint. Ha-
 buisse enim vulgo videor colligere ex verbis Plinii, quæ
 sunt lib. xxxiii. cap. 1. *Tanta*, ait, *Senatus indignatione
 exarsit, ut annulos ab eo abjectos fuisse in antiquissimis reperi-
 tur annalibus.* Fallit plerosque, qui tum & Equestrem ordinem id
 fecisse arbitrantur: est enim adjectum hoc quoque sed & phalera
 posita, propter quæ nomen equitum adjectum est. Dicit expresse,
 ut à Senatu annulos, sic ab Equitibus phaleras fuisse posi-
 tas. Verba enim ista, *sed & phalera posita*, sunt ex iis ipsis
 annalibus antiquissimis, quas Plinius allegat. quibus ait o-
 stendi non annulos quoque ab Equitibus ut à Senatoribus,
 sed phaleras solum positas, vel ut supra inquebat, abje-
 ctas, contra quam nonnulli cum in annalibus locum expli-
 cabant, & propter phaleras, de quibus mentio fiebat in
 sequentibus, in præcedentibus eorum Annalium verbis cum
 Senatorum, etiam Equitum adjectum nomen. Sic enim lo-
 cus Plinii intelligendus est, quem obscurum nonnihil facit
 illud quæ, haud dubie vitiosum, cum ad nihil præcedentium re-
 feratur. Itaque & in quas à quibusdam mutatum est, ut phaleras
 respiciat. Sed sine ambiguitate puto Plinium nec hoc, nec illud,
 verum una voce propterea scripsisse, conjunctionemque post-
 ea à sciolo mutatam esse in pronomen. Quicquid sit, si posita
 pha-

phaleræ, & positæ ut annuli, sicut annulos gestari consuevisse palam est. Nisi & hoc restringamus ad ejusmodi tempus, quo videlicet cum ornamentis hujusmodi incedere sueverunt. Ut posuerint in proximis puta ludis, aut spectaculis, aut simili alia solennitate.

§. 12. Quibus in universum gentibus torques fuerint in usu.

NON est ornamentum aliud, in cujus usum tot simul conspirarunt gentes, ut jam patet ex iis, quæ hucusque dissequimus. Id autem credo factum, quia nudo fere collo olim incedere, sicut hodieque fit in oriente locis plurimis. Antiquissimis temporibus ac forte primis Ægyptii usurparunt & Chaldæi, itemque Hebræi, ut ex Sacris litteris, Diodoro, Æliano, aliisque cognoscimus. Ab his acceperunt Persæ sicut pluribus ostendit Barnabas Brissonius in eruditis de Persarum Regno libris. Sic apud Ælianum lib. x i i i. cap. 40. legitur *ἑστῶτες περὶ τοὺς*, non aliam ob causam. Persis conjuncti sunt Medi; igitur & illi usurparunt. Agathias de Bello Gothico lib. i i i. ex versione Christophori Personæ: *Non enim sicut duntaxat, thoracesque, & pharetras eorum, qui ceciderant, quidam gestabant, sed aureos etiam circa collum torques, & ex auribus pendentia ornamenta, ac ejusmodi cetera effeminatorum varia & supervacanea opera, quibus Medorum primores præcipue decorantur, ut spectatiores cæteris sint, & à vulgaribus aliis noscuntur.* Omnes titulo Ægyptiorum & Babyloniorum complexus est Tertullianus lib. de Idol. *Purpura, inquit, & aurum cervicis ornamentum eodem modo apud Ægyptios & Babilonios insignia erant dignitatis.* Torques etiam gestarunt Arabes; maxime Atilei & Casandrini. Agatharchides apud Photium: *Aurum perforatum inter lapillos pellucidos alternatim circa manus gestant & colla.* Item Armenii, hinc Romani eas calcant in prælio, Tigrane cum Armeniis superato, sicut supra ostendi. Verba hæc sunt: *Ἀρμένιοι καὶ περὶ τοὺς ποσὶν ἀνὰ τὰς ἰσθμίδας ἰσχυρῶς ἔχουσιν.* Armillas ac torques calcando continuantur eadem per C X X stadia. Gestarunt Parthi. Vnde illud Horatii lib. i i i. Car. 6.

*Iam bis Monastes & Pacori manus
Non auspicatos contudit impetus,
Nostros, & adjecisse prædam
Torquibus exiguis renidet.*

Torrentius hoc loco : renidendo gaudere se ostendit , quod Torquibus ante exiguis non leve ex præda pondus adjecerit. Ergo & ipsi torques habuere. Parthis proximi sunt Scythæ , ex quibus Gothi. In his narrat Saxo. Ita enim de Atillo Rege Sueciæ , lib. 11. cap. 20. *Donain præsentis plurimæ rogavit, & inter cætera torquem aureum ingentis ponderis collo Roluonis , ad ostendendam ejus claritatem, appendit.* Et paulo post de Roderico : *Rogatus pretiosum torquem , qui virtutis & victoriæ præmium proponebatur , in alterius manus deponere , mox armillas & torquem , ut erat in navigio collocatus , ingenti excussas jactu , posulanti porrigere statuit.* Firmant hoc ipsum nummi veteres apud Gorkæum pag. 42 , in quibus videas vultus Gothorum cum torquibus. Gothicos enim nummos esse dubitabit nemo , qui litterarum Runicarum ductus in tot Sueciæ Daniæque saxis monumentisque oculis usurpavit. Ac in primo quidem nummo plane scriptum puto AS vel AHS, AH litteris inter se conjunctis contextisque , antiquissima cum Gothorum tum multarum aliarum gentium consuetudine , de qua peculiari opusculo, Deo annuente, aliquando agemus. Est autem illud AS vel AHS summi apud Gothos numinis vocabulum; quod Asum, Aasum, Ahasum appellasse accurate in *Vpsalia antiqua* demonstrabo. Videntur & cæteri nummi quid hujusmodi præferre , nisi putemus litteras initiales continere finalesque vocabuli, quod in latere altero consignatum est. Sane in primi nummi ista facie *Hliti* nomen legi videtur, quod Latinis Parvum significat: Errant enim sine dubio qui de Cliti Macedonico vocabulo hic cogitant, cujus quis quæso usus esse apud Gothos potuit? Gothos quidem Latinis aliquando usos esse nominibus ex Jordane, vel Jornande intelligimus, at Græcis nunquam. Igitur cum Cliti Macedonicum sit nomen, frustra de eo hic differitur. Neque mirum est si Hlito spiritum præfigi. Ita enim consuevisse Gothos veteres præter infinita alia testimonia vel ex Hludovici & Hludus vocabulis apparet, quæ sic scripta in vetustis Saxis monumentisque reperiuntur. Est proinde Gothicum nomen, *Gothica effigies* in prædictis nummis, quæ cum ornata sit torque,

torqui-

torquium gestamen apud Gothos in usu fuisse manifestum est. Et mentionem facit B. Brigitta in litteris ad filium, quas ex vetusto codice communicavit mecum Iuvenis doctissimus, Laurentius Bureus. *Du stalt hafa brah itinu brysi. hoc est, pectus tuum bractea ex auro gemmisque adornabis.* Item alio loco: *Quad forspan or brah ex dat i hafen i edert bryst. quale ornamentum ex auro gemmisque pectori praefixum geritis.* Vbi brah est bulla, è torque in pectus dependens. Nisi potius fibulam intelligat, quæ vestimenta claudere solebant. A Gothis veniendum ad Danos, nam & hos gestasse certum est. Ostenduntque verba Saxonis, supra à me adducta. Sunt & alia apud eum loca, quæ nos neutiquam dubitare patiuntur. Iuncti his Germani, de quibus paria observamus. Videtur equidem obstare Tacitus, quando in libello de eorum moribus carere ait auro argentoque, nec inter cœtera illorum ornamenta torques recenset. Ipse tamen aliter, alio in loco: *Gaudent præcipue finitimarum gentium donis, quæ non modo à singulis, sed publice mittuntur, electi equi, magna arma, phalerae torquesque.* Ita Florus nominatim memorat in Cheruicis, Suevis, Sicambris, quæ haud dubie Germanicæ fuerunt gentes. *Cheruscii equos, Suevi aurum & argentum, Sicambri captivos elegerant: sed omnia retrorsum. Victor namque Drusus equos, pecora, torquesque eorum, ipsosque præda divisit ac vendidit.* In Borussis veteribus, & Sudinis Stella lib. 1. *Antiq. Boruss. Vestium cultus apud eos fuit, ut maros Lanea, fæminæ linea tunica uterentur, circulosque ex ære vel orichaleo colla circumdebant.* Gallorum fere proprium hoc gestamen fuit. Vnde Suidas in *Τορκάτῳ. Στραπὸς ἐπιχρῆστος κῆσμεν κελτοῖς.* *Vsitatus vulgo apud Gallos ornatus torques fuit.* Strabo in descriptione Galliarum: *Χρυστοφοῦσι, περὶ τοῖς τορκήλοις στρεπτοὶ ἔχοντες.* *gestant aureos circum colla torques.* Similia habet Diodorus lib. 1 v. *Antiq. Virgilius AEncid.*

V I I I .

*Aurea cæsaries illis, atque aurea vestis.
Virgatis lucent sagulis: tum lactea colla
Auro innectuntur —*

Hinc Plinius lib. xxxi i i . cap. 1. *Gallos cum auro pugnare solios, Torquatus indicio est.* Aurum non intelligit aliud, quam torques, unde Torquati cognomentum plane sicut supra Græcos aliquando *χεῦσον* usurpare dixi. Eadem cum Plinio habet

D 5

Polybius

Polybius Hist. 11. In primis, ait, cohortibus neminem cerne-
re: *muniacis sive torquibus aureis armillisque non ornatum*. Nomi-
natio de Insubribus & Alpinis firmat Florus lib. 11. cap.
4, quando de eorum torquibus tropæum Iovi erectum scri-
bit. De Boiis, qui à Polybio inter Gallos recensentur, Li-
vius lib. xxv. cap. 40. P. Cornelius Consul triumphavit
de Boiis; in eo triumpho Gallicis carpentis arma signaque & spo-
lia generis transvexit, & aureos torques transtulit M C C C C
L X X, Gestarunt & Belgæ. Hinc Propertius lib. 1 v. de
Virdomaro.

Torquis ab incisa decidit unca gula.

De Britannis observatum est ex Strabone in superioribus. Et-
jam Herodianus meminit. An Hispani usurpaverint, ignoro,
hactenus sane non lego. Gothos in Hispania gestasse num-
mi docuerint, de quibus ante differuimus. Sunt enim in Hi-
spania cusi, absque dubio, cum illic Gothi rerum potiren-
tur; De Romanis ambigi non potest. De solis Græcis nihil
istiusmodi observo. Quin imo barbarum gestamen vocant.
Herodianus de Britannis: *τὴς μὲν λαπίρας ἢ τὰς τετραγώνους
πρῶτοι πιδήξαν, καὶ δ' ὁπισθεν τὴν ἢ τῆς τε σύμβολον νομίζοντες,
ὡς αὖτὲν τὸν χρυσὸν οἱ λοιποὶ βαρβάρων.* ventrem atque cervicem ferro
incingunt, ornamentum id esse ac divitiarum argumentum æstimantes,
perinde ut aurum cæteri barbari. Per χρυσὸν torques intelligit,
& τὰς λοιπὰς βαρβάρων ait æstimasse, quod opinor non
dixisset, si Græcorum ea fuisset consuetudo. Strabo quo-
que reprehendit, velut muliebres, & istam Gallorum ratio-
nem vocet *ἀνέτην καὶ ἀλαζονικὴν* π, lib. 1 v. Sane Iulius
Pollux Grammaticus diligentissimus in solis mulieribus re-
censet. Ex quo mihi persuasissimum est, nullum earum,
nisi in his apud Græcos fuisse usum. Quod forte factum odio
Persarum Græcis semper imminantium. Nam reliquæ omnes
fere in Oriente gentes habuerunt. Ipsi quoque Indi, apud quos
hodieque nihil est vulgati.

§. 13. Torques brutorum , rerum- que inanimatarum.

L Vxus , de quo dictum est in præcedentibus , ab hominibus transiit ad bruta animantia. Torquibus & illa exornata memorantur. Primum autem de militaribus vix est mirum , quandoquidem quæ in bello juvissent ad victoriam , ea præmiis quoque visa sunt digna. Hinc ab initio equis habitus is honor , ut variis ac pretiosis monilibus ornarentur Virg. lib. VII. Æn.

Aurea pectoribus demissa monilia pendens

Claudianus de equo Honorii.

Luxuriant tumido gemmata monilia collo.

Vides vere pretiosa monilia , ex auro gemmisque. Sic Apulejus de Deo Socratis: *Nec enim in emendis equis phaleras consideramus, & balehei polimina inspicimus, & ornatissime ceruicis divitias contēplamur, si ex argento & auro & gemmis monilia varie gazæ dependēt, si plura artis ornamenta capiti & collo circumjacet.* Erat hoc solenne in equis Imperatorum , & exemplo equi , quem describit Claudianus , apparet. Plutarchus de Equo Pompei in Sertorio: *χρυσῶν καὶ ἀργυρῶν ἀνὰ πλῆθυν, auro ornati & phaleris pleni* ejus equum diruerunt. *χρυσὸν* non aliter intelligit , quam ut supra dixi , de torquibus & monilibus. Monilia ista appensas habebant lunas sicut hodieque nos in frontalibus equorum , & Hungari Turcæque in collis usurpant. Meminit Statius Theb. IX:

— *nemorisque notæ sub pectore primo*

Iactantur niveo lunata monilia dente.

Sunt & hi de Imperatorio equo versus. Quaquam non ipsi solum , sed & alii in suis equis usurparint. Quomodo apud Gellium lib. v. cap. 5. Antiochi *equitatus frenis, ephippiis, monilibus, phaleris præfulgere* dicitur. Ab equis res devenit ad Elephantes. Nam & hi ornati torquibus, monilibusque, ut qui ipsi quoque à veteribus adhibiti ad bella. Occurrit aliquoties apud veteres. Vnus locus memorabilis est apud Philostratum de Elephanto Alexandri, Soli dedicato. Verba sunt lib. II. de vita Apoll. cap. 6, ex interpretatione Zenobii Accioli: *Esse autem illi torques aureos circa dentes, seu cornua libeat appellare, & in torquibus litteras græcas insculptas hæc verba referre:*

Alexan-

Alexander Iovis filius, Ajacem Soli, hoc enim Ajacis nomen ipse Elephantio imposuit. In Græco pro torquibus est ἄλικες, quod de circulis auribus exponendum puto, quia additur περὶ τοῖς ὀδόντιν. nec enim illud περὶ, nisi de circulo, qui cornu sive dentem ambit, intelligitur. Observa autem additos huic circulos in dentibus, ne scilicet excuteret, libertati suæ relictus & in sylvas missus, ut fiebat in hujusmodi dedicationibus. Cæteri gestabant in collo, velut equi, cum ornarentur. Post elephantos etiam in camelis hunc ornatum legimus, quippe qui & ipsi usurpati in bellis. Augustinus. Quæst. ex utroque testam. cap. 115. Reges Median camelis decorantur ad sæsum, ita ut & colla eorum aureis exornent torquibus. Hausisse hoc ex sacris litteris videtur. Nam lib. Iud. cap. 8. legimus de Gedeone: Et interfecit Zeebea & Salamana, & tulit ornamenta ac bullas, quibus colla regalium camelorum decorari solent. Apparet solenne ornamenti genus fuisse apud istos sicut phaleræ moniliaque equorum apud Romanos & vicinos populos. Eodem loco: Fuit pondus postularum in aurium mille septingenti sicli, absque ornamentis & monilibus, & veste purpurea, & præter torques aureas camelorum. Appositas habuisse bullas etiam existimo, quoniam ex Glossis Isidori, ut vulcanius emendat, legimus bullas ornamenta regalium camelorum. Ab his etiam ad cæteras bestias translatum est, quas domi alebant, & peculiariter amabant. Sic in canibus περὶ δέσση legimus. Xenophon in Cynegetico. Κυῶν ἢ κῆσµ & δέσση. Latini milla & collaria appellant. Etiam in feris cicuratis fuit receptum. De Leone mansueto Philostratus Lemnius vita Apollonii lib. v. cap. ult. κῆσµήσαντες τὸ θηρίον σεπτῶς ἐπανίκαυς παρέπιπτον εἰς τὴν Αἴγυπτον. Ornantes feram torque & tenuis miserunt in Egyptum. Idem de Panthera cicurata exemplum nobis servavit. Refert in Eclogis Photius: Ἀρσάκης, ait, in Pamphylia pantheram captam fuisse (σεπτῶς ἄλικο, ὃν περὶ τῇ δέσση ἔφερε) aureum torque circa collum habentem. Armenius litteris hujusmodi inscriptum: Rex Arsaces. Deo Nysæo. Regnabat autem temporibus illis in Armenia Arsaces. Is, ut opinor, feram eximia præ cæteris magnitudine Baccho sacrauit. Verba observatu digna, quæ ostendunt, non ornatus tantum, sed & notitiæ causâ eis impositas torques. Vnde & à Græcis γυνείσκηται sunt appellatæ. Nempe si ad fertilitatem suam essent casu aliquo reversæ, ac

aufu-

aufugissent, per signa ea recognosci repetique poterant, ut ostendit Grotius 11. de Iure Belli cap. 8. §. 3. Deinde dedicationis quoque causa, ne quis rem sacram inscius violaret, sicque incurreret in iram Dei, quem in ea re violasset. Hoc enim exitiosum veteres putabant. Ut in cerva Dianæ ab Ascanio vulnerata pluribus docet Virgilius. Sic Diomedes fecit, de quo Autor Mirabilium auscultationum. *In Peucestinis a-junt templum esse Dianæ, in quo locatum est celebre illud æveum ser-tum* (Χαλκήν ἔλινγε, autor ipse vocat de quo diximus in præcedentibus) inscriptione hac insignitum: *Diodemedes Dianæ. Id nar-rant ab eo collo cervino appositum accrevisse, itaque deinceps hoc pæcto inventum ab Agathocle Siculorum rege in Iovis templum locatum.* Non aliæ torques, quas Alexandrum cervis pluribus indidisse refert Plinius lib. v 111. cap. 32. *Vita, inquit, cervis in confesso longa, post centum annos captis cum torquibus aureis, quos Alexander Magnus addiderat, adopertis jam cute in magna obesitate.* Meminit & Ovidius lib. x. *Metamorph. fab. 4.*

*Ingens cervus erat, lateque patentibus altas
Ipse suo capiti præbebat cornibus umbras
Cornua fulgebant auro, demissaque in armos
Pendebant tereti gemmata monilia collo.*

Porro non quadrupedes solum, sed & aves istiusmodi torquibus ex prædictis causis ornarunt. Superest imago ejus rei in Addendis Pignorii ad tabulam Isiacam, ibi namque avis nescio quæ, forsitan Ibis, cum torque conspicitur in monumento, cujus inscriptio est ADELFI. Et quod γυνεὶ σφραγὶς attinet, testatur Grotius loco antea laudato, & nos ipsi in cignis apud Batavos frequenter observavimus. Forsitan & pisces sic ornati. Aelianus sane lib. x11. Hist. An. cap. 30, *Sunt, ait, & pisces in templo Iovis Labrondæi, ubi fons nitidus, monilibus, & aureis in auribus ornati.* Similis ille, temporibus Ferdinandi I. captus in stagno Hailprunnensi, qui circa branchias habuit circum-lum ex ære Cyprio. Nisi quod inscriptum esset illi circulo, quis eum primus stagno immisisset. Vossius pluribus lib. 1 v. de Idol. cap. 3. Etiam inanimatæ res sic apud veteres ornatæ. De arbore Platano legimus apud Aelianum nostrum lib. 11. cap. 14. Multiplicem & pretiosum ornatum ex ea suspendisse Xer-

Xerxem, στεπτοῖς καὶ ψαλλίοις πρῶν τὰς κλάδας αὐτῆς, torquibus & armillis ramos ejus venerans. Ad postremum ipsa etiam sepulchra sic decoratā. De sepulchro certe Cyri legimus apud Arrianum lib. vi, quod condita in eo fuerint, καὶ στεπτοὶ, καὶ ἀκινάκων, & ἐνώπια χρυσῷ τε καὶ λίθων κολλητὰ, torques, acinaces, in aures ex auro & gemmis. Vulcanius liberius sic reddit; torques quoque & armillas & inaures aliaque ornamenta ex auro & gemmis composita, cum nec de aliis, nec de armillis quidquam sit in Græco.

F I N I S.

E R R A T A.

P Ag. 6, linea 16. scribe, coloris miniati. 7, 4. plane spira est, uti, & 17. περὶ δέ ῥαιον. & ult. viris, iisque. 9, 14. Hesychius κλοιὸς & 17. κλοιός & 19. κυνῶν. 10, 7. mundioraque. 13. Osyridis. 28. ἑπταφυλ. 37. verius. 12, 30. βυσσίνω. 15, 28. Iliad. E. & Φ. ult. in unum. 16, 32. duræ. 33. pendula. 18, 3. χρυσῷ. 13. veste limbus. 19, 9. certum numerum, 21, 23. tristitiam prodesse. 23, 22. & si cava non f. 14. luna, ait, ex a. 26, 2. haud possunt. 10. lazuli. Manus. 29, 2. id autem f. c. 34, 21. solennem cum. 48. 9. monilibus aureis. 19, 8. σιωπεκέρδω τοῖς ποιητῶν. 25. γνωρίσματα. 60, 3. circulis aureis.



99 **Figrelius (E.)**. De Statuis Illustrium
Romanorum, liber Singularis . . . device
on the title. Holmiae, 1656, BOUND WITH
Schefferius (J.). Argentoratensis De
Antiquorum Torquibus . . . 1656. Small
8vo, vellum, good copy. £3.

Holmiae, 1656

SPECIAL 86-B
25986
Bound w/
86-B
25983

THE GETTY CENTER
LIBRARY



11782/000 1795. p.148.

und / Subst. in ligna aut Jaxo. Cle Alexandry p.19.

